




DS

735

A2 W.8

19--

V. 15



尺木堂綱鑑易知錄卷三一

周之炯靜專

通鑑綱目定本

山陰吳乘權楚材同輯

周之燦星若

晉紀

孝懷皇帝

名熾武帝第二十五子惠帝無嗣立為皇太弟至是即位在位六年為漢將執歸獄

之壽三十歲諡法慈仁短折曰懷

綱丁卯孝懷皇帝永嘉元年

漢元熙四年

春三月陳敏將

顧榮周玘

俱見上卷

殺敏以降

綱立清河王尊

見上卷二

九弟詮為皇太子。**綱**太傅越出鎮許昌。見上卷末**目**帝親

覽大政。畱心庶事。越不悅。固求出藩。**綱**夏五月。羣盜

汲桑石勒。俱見上卷二十七入鄴。今河南彰德府臨漳縣殺都督新蔡

今河南汝寧府新蔡縣王騰復攻兗州。太傅越遣荀晞討之。**綱**

秋七月。以琅邪王睿。見上卷二十三為安東將軍都督揚州

諸軍事。鎮建業。**目**睿至建業。今江南江寧府以王導為謀主

推心親信。每事咨焉。睿名論。名譽素輕吳人。不附居

久之。士大夫莫有至者。會睿出觀禊。係禊祓也。見十一卷上導

使睿乘肩輿。也具威儀。導與諸名勝皆騎從。紀瞻顧

琅邪以王
導為謀主

榮等見之驚異相帥拜於道左導因說睿曰顧榮賀
循此士之望宜引之以結人心二子既至則無不來
矣睿乃使導躬造之循榮皆應命以循爲吳國內史
榮爲軍司加散騎常侍凡軍府政事皆與之謀又以
紀瞻爲軍祭酒卞壺惔爲從事中郎周玘劉超張闓
聞孔衍皆爲掾硯屬導說睿謙以接士儉以足用以
清靜爲政撫綏新舊故江東歸心焉綱苟晞擊汲桑
石勒大破之桑走死勒降漢綱冬十一月以王衍爲
司徒綱衍說太傅越曰朝廷危亂當賴方伯宜得文

石勒降漢

武兼資以任之乃以弟澄為荊州

今湖廣荊州府

都督族弟

敦為青州

今山東青州府

刺史語

去聲

之曰荊州有江漢之固

青州有負海之險卿二人在外而吾居中足以為三

窟

坤入聲

矣

窟穴也國策馮煖謂孟嘗君曰狡兔有三窟僅得免其死耳今有一窟未得高枕而

臥也請為君復鑿二窟三窟已就君姑高枕為樂矣

致堂胡氏曰王衍為三公所歷變亂多矣不聞

匡正之策方且陰營三窟規脫禍賅既不得免

尚且飾高情為遠論欲欺石勒為勒直言所折

遂無以對死於排牆之下當知牆之為實而窟

之為虛也豈不深

垂後世之戒哉

綱慕容廆

見上

自稱鮮卑大單于

牆官窟虛

去衍三窟

綱戊辰二年漢永鳳元年春正月朔日食二月太傅越

殺清河王綱夏五月漢王彌寇洛陽張軌涼州刺史

張軌遣將入衛州今陝西行都司涼州衛遣督護北宮復姓純入衛擊破走之綱詔

封張軌西平司今陝西行都郡公軌辭不受時州郡之

使莫有至者軌獨貢獻不絕綱秋七月漢徙都蒲子

今山西平陽府州舊都左國城綱冬十月漢王淵稱皇帝

正月朔綱己巳三年漢河瑞元年春正月朔災惑南方火星出則

喪饑犯紫微中宮天極星其一書非日食不書晦朔

兵也災惑犯紫微異矣而見於三朝甚大異也故詳

之開一歲而帝遷變不虛生信哉終綱目星變書正

月朔者。綱漢徙都平陽。即平陽府。綱三月太傅越入京師。

一而已。綱殺中書令繆木播。帝舅王延等十餘人。綱帝之爲太

弟也。與繆播善。及卽位。委以心膂。帝舅散騎常侍王

延尚書何綏。太史令高堂複冲。並參機密。越乃誣播

等欲爲亂。執播等十餘人於帝側。付廷尉殺之。帝歎

思流涕而已。綏曾之孫也。初何曾侍武帝宴。退謂諸

丁曰。主上開創大業。吾每宴見。未嘗聞經國遠圖。惟

說平生常事。非貽厥孫謀之道也。及身而已。後嗣其

殆乎。汝輩猶可以免。指諸孫曰。此屬必死於難。及綏

何曾日食
萬錢

死兄嵩哭之曰我祖其殆聖乎曾曰食萬錢猶云無
下箸處子劬日食二萬綏及弟機羨汰侈尤甚與人
書疏詞禮簡傲王尼見綏書謂人曰伯蔚畏何居
亂世而矜豪乃爾其能免乎人曰伯蔚聞卿言必相
危害尼曰伯蔚比聞我言自己死矣及永嘉見上之
末何氏無遺種

司馬溫公曰何曾譏武帝偷惰取過目前不為
遠慮知天下將亂子孫必與其憂何其明也然
身為僭侈使子孫承流卒以驕奢亡族其明安
在哉且身為宰相知其君之過不以告而私語
於家非
忠臣也

綱以王衍為太尉夏大旱日江漢河洛可涉綱漢

石勒寇鉅鹿府今直隸順德鉅鹿縣常山今直隸真定府勒衆至十

餘萬集衣冠人物別為君子營以張賓為謀主初賓

好讀書闊達有大志常自比張子房張良及勒徇行定日徇

山東賓謂所親曰吾歷觀諸將無如此胡將軍者可

與共成大業乃提劍詣軍門大呼請見勒亦未之奇

也賓數朔以策干勒已而皆如所言由是奇之

綱庚午四年漢烈宗劉聰光興元年秋七月漢主淵卒太子和

立其弟聰弒而代之綱氏秦氏蒲洪會蒲洪自稱略陽

秦氏蒲洪
梅公

君子營

次

略陽

今陝西漢中府略陽縣

臨渭

故城在漢中府城西北

氏酋也驍勇多

權略羣氏畏服之漢拜洪平遠將軍不受自稱秦州

今陝西鞏昌府秦州

刺史略陽公

綱流民王如寇南陽

今河南南陽府

以附漢

綱

冬十月漢石勒擊并王如兵遂寇襄陽

今湖北

廣襄陽府

十一月太傅越率兵討之次

見七卷八

于項

今河南開封府

縣項城

綱

辛未

五年漢嘉平元年成王衡元年

春三月

太傅越卒于項以

荀晞為大將軍督六州

青徐兗豫荆揚

綱

越以後事付王衍

而卒衍奉越喪還葬東海

見上卷二十二

綱

夏四月漢石勒

石勒殺王衍

綱鑑易知錄

卷三十一

追敗越軍於苦

情

縣執王衍等殺之

[明]

王衍風流相尚清名蓋世

且首為三窟之計。今乃為揭奴所殺。如斃犬豕。方且俯首乞憐。之不服一代人物。果安在哉。然襄陽王範毅然正色。何以不得書死之。司馬越敗亂天下。範等從而和之。斷喪帝室。委棄乘輿。大節若此。他何足數。按此行。自衍範而下。諸王及貴臣死者甚衆。綱目皆棄而不錄。僅書執衍等殺之。且削去其官。則其賤之之意。為可知矣。略而不書。初非過也。**[目]**勒帥輕騎追太傅越之喪。及於苦縣。故城在江南鳳陽府亳州大敗晉兵。縱騎圍而射石之將士十餘萬人。無一免者。執太尉衍等。問以晉故。衍具陳禍敗之由。云計不在己。且自言少無宦情。不豫世事。因勸勒稱尊號。冀以自免。勒曰。君少壯登朝。名蓋四

襄陽神色
儼然

海身居重任。何得言無宦情邪。破壞督天下。非君而誰。衆人畏死。多自陳述。獨襄陽王範。神色儼然。顧而之曰。今日之事。何復紛紜。勒謂孔長長曰。吾行天下多矣。未嘗見此輩人。當可存乎。長曰。彼皆晉之王公。終不爲吾用。勒曰。雖然。要不可加以鋒刃。夜使人排牆殺之。剖越柩焚其尸。曰。亂天下者。此人也。吾爲天下報之。**綱**五月。漢人入寇。六月。陷洛陽。殺太子詮。遷帝于平陽。封平阿公。漢主聰使呼延晏將兵二萬七千寇洛陽。比及河南。晉兵前後十二敗。劉曜主彌

石勒皆引兵會之。彌曼克宣陽門入宮大掠。帝欲奔

長安。今陝西西安府長安縣漢兵追執之。曜自西明門入殺太

子詮等。遷帝於平陽。見上漢以帝為左光祿大夫。封

平阿公。以待中庾珉。民王雋。俊為光祿大夫。綱琅邪

王睿遣兵擊江州刺史華軼。斬之。目時海內大亂。獨

江東差。雌安。中國士民避亂者多南渡江。王導說睿

收其賢俊。辟。壁。舉也。掾。硯。官屬也。刁協。主承。卞壺。惔。諸

葛恢。陳頤。均庾亮等百餘人。時人謂之百六掾。及承

荀藩檄。吸。荀藩建行臺於密。傳檄四方。推琅邪主睿為盟主。承制署置江州

百六掾

今江西南昌府刺史華軼及豫州今河南開封府陳州刺史裴憲皆不

從命。虜遣王敦、甘卓周訪合兵擊軼，斬之。憲奔幽州。

今直隸順天府綱冬十月，馮翊太守索綝琰等擊敗漢兵。

於長安。十二月，迎秦王業入雍城。初，索綝為馮翊

今陝西西安府同川太守，與安夷故城在陝西鳳翔府隴州護軍麴允安

定今陝西平涼府太守賈正雅謀復晉室，帥眾五萬向長安。

大敗劉曜於黃丘。質實云地名，未詳據所。兵勢大振，閭鼎欲奉

秦王業。吳孝王晏之子，晏見上卷六。大關據長安，以號令四方。荀

藩、周顗等皆山東人，不欲西行，中途逃散。顗奔江

東鼎與業至藍田今西安府藍田縣遣人告正正遣兵迎之

入于雍城今西安府渭南縣綱琅邪王睿以周顗為軍諮祭

酒目前騎都尉桓彝避亂過江見睿微弱謂顗曰我

以中州多故來此求全而單弱如此將何以濟既而

兄王導共論世事退謂顗曰向見管夷吾管仲字無復

憂矣諸名士遊宴新亭在江南江寧府城南俯瞰江渚顗中坐歎曰

風景不殊舉目有山河之異因相視流涕導愀然

變色曰當共戮力也并力王室克復神州中國曰赤何

至作楚囚對泣邪眾皆收淚謝之

江左管夷吾
新亭遊宴

綱壬申六年漢嘉平書於是帝遷平陽踰年矣書六

王在雍則正統國在矣綱春二月漢封帝為會膾稽郡今浙江

公。目漢主聰謂帝曰卿昔為豫章王見上朕與王武

子王濟造卿卿贈朕柘弓周禮考工記弓銀研卿

頗記否帝曰臣安敢忘之但恨爾日不早識龍顏聰

曰卿家骨肉何相殘如此帝曰大漢將應天受命故

為陛下自相驅除此殆天意非人事也綱張軌見上

遣兵詣長安尊輔秦王法之世書遣北宮純入衛

矣於是復書遣兵詣長安綱夏雍州今陝西刺史賈

若軌者可謂知為人臣矣綱晉懷帝

柘弓錄研

張軌遣兵詣長安

正等進圍長安。漢劉曜敗走。秦王業入長安。**綱**漢太

保劉殷卒。

書卒。僭國臣。法錄賢也。

目殷不為犯顏忤旨。然因事

進規補益甚多。嘗戒子孫曰。事君當務幾諫。凡人尚

不可面斥其過。況萬乘乎。夫幾諫之功。無異犯顏。但

幾諫無異犯顏

不彰君之過。所以為優耳。**綱**秋九月。賈疋等奉秦王

業為皇太子。建行臺。**綱**冬十二月。盜殺賈疋。麴允領

雍州刺史。

初賈疋人關殺漢梁州刺史彭仲蕩至是其子天護帥羣胡攻疋殺之衆推麴允領

雍州**綱**前太子洗馬

見二十九卷十六

衛玠卒。

書卒前官**目**玠

目之孫也。美風神。善清談。常以為人有不及。可以情

西羌姚弋仲稱公

怨非意相干可以理遣故終身不見喜愠之色綱荒

酋姚弋仲自稱扶風今陝西鳳翔府公且弋仲南安今陝西鞏昌府

赤亭在鞏昌府隴西縣羌也東徙榆眉質實云地名未詳處所戎夏極

姜上負隨之者數萬

孝愍皇帝名業吳王晏之子武帝之孫也懷帝遇害即位於長安在位四年為漢將執而弑之

壽四十八歲諡法在國遭憂曰愍

綱癸酉孝愍皇帝建興元年漢嘉平三年春二月漢主劉

聰弑帝於平陽庾珉王雋死之書珉雋始以悲憤見惡於聰繼有告其

應劉珉者於是殺之而帝亦遇害則二臣之死先於帝矣綱目易為先書弑先書紿所以著三臣之死為

珉雋死節

帝而死也。大書死之。其爲死節之勸深矣。○**綱**正月朔。漢主聰宴羣臣於光極殿。使帝著灼青衣行酒。庾珉、王雋等不勝升悲憤。因號哭。聰惡之。二月。有告珉等謀以平陽應劉琨者。聰遂殺珉、雋等。帝亦遇害。謚曰孝懷。○**綱**夏四月。太子業卽位於長安。索綝領太尉。○**綱**帝凶問至長安。皇太子舉哀。因加元服。卽帝位。以梁芬爲司徒。○**綱**允索綝爲僕射。夜尋以綝爲衛將軍。領太尉軍國之事。悉以委之。○**綱**琅邪王睿以華譚爲軍諮祭酒。陳頽均爲譙郡今江南鳳陽府亳州太守。○**綱**五月。以琅邪王睿爲左丞相。南

陽王保

族之子

為右丞相分督陝

今河南河南府陝州

東西諸軍

事綱左丞相

睿以祖逖

易為豫州刺史

逖范陽

今直

諫順天

人少有大志

與劉琨俱為司州

今河南府

主簿同

祖逖聞辭起羣

寢中夜聞雞鳴

蹴琨覺

教曰此非惡聲也

因起舞及

渡江左丞相

睿以為軍諮祭酒

逖居京口

今江南

鎮江府

紇

合驍健言於睿曰

晉室之亂非土無道而下怨叛也

由宗室爭權

自相魚肉

遂使戎狄乘隙

毒流中土

今

遺民思奮

大王誠能命將出師

使如逖者

統之以復

中原郡國豪傑

必有望風響應者矣

睿素無北伐之

志以逃為豫州

見上

刺史給千人廩布三千匹不給

鎧

開上聲仗也兵器

使自召募逃將其部曲百餘家渡

中流擊楫
書清中原

江中流擊楫而誓曰祖逖不能清中原而復濟者有

如大江遂屯淮陰

个江南
淮安府

起冶鑄兵募得二千餘人

而後進

陶侃武昌太守武昌府

破走杜弢嘉五年

湘州流民作亂推杜弢為刺史
湘州今湖廣長沙府

王敦表侃為荊州今湖廣荊

刺史幽州都十二月石勒遣使奉表於王浚

幽州都

浚謀稱尊號順天府矜豪曰甚石勒欲襲之遣

舍人王子春奉表於浚曰勒本小胡遭世饑亂流離

屯厄竄命冀州

今直隸定府冀川

竊相保聚以救性命今晉

祚淪夷中原無主為帝王者非公復誰願殿下應天

順人早登皇祚勒奉戴殿下如天地父母殿下察勒

微心亦當視之如子也浚甚喜謂子春曰石公可信

乎子春曰殿下中州貴望威行夷夏石將軍非惡帝

王不為而讓於殿下顧以帝王自有歷數非智力之

所取改也又何怪乎浚大悅綱左丞相睿遣世子紹

即明

鎮廣陵

今江南揚川府

地如日隕于

綱甲戌二年

漢嘉平四年

春正月有如日隕于地又有三

三月相承
東行

日相承東行

書法如日何非日也有三日何亦非日也
非日也故曰有有也者世所無有者

星隕化肉

兩月相承見十

有流星隕于平陽

見上北化為肉

長三十步廣

二月以張軌為大尉涼州
見上牧劉

琨為大將軍

三月漢石勒襲薊
計口今順天府大典縣陷之

殺王浚師還薊降於段匹碑

低國勒將襲王浚而未

發張賓曰豈非長劉琨及鮮卑烏桓

見上卷為吾後

患乎勒曰然省口劉琨王浚雖同名晉臣實為仇敵

石勒哀王
浚

石勒哀王
浚

若脩牋於琨浚質

至

請和琨必喜我之服而快浚之

亡終不救浚而襲我也用兵貴神速勿後時也勸遂

以火宵行遣使奉牋於琨自陳罪惡請討浚自效琨

大喜三日勒軍達易

亦水

在順天府固安縣

浚將佐皆曰胡

貪而無信必有詭計請擊之浚怒曰石公來正欲奉

戴我耳敢言擊者斬設饗以待之勒晨至薊叱門者

開門浚始懼勒升其聽事

中庭也

執浚於前浚罵曰胡

奴調

去聲戲弄也

乃公

猶言汝翁也

何凶逆如此勒曰公位冠

貫

元台手握彊兵坐觀本朝傾覆

福

曾不救援乃欲

自○尊○為○天○子○非○凶○道○乎○卽○斬○之○浚○將○佐○等○詣○軍○門○謝○
罪○前○尚○書○裴○憲○從○事○中○郎○荀○綽○獨○不○至○勒○召○而○讓○責也

之○憲○等○請○就○死○不○拜○而○出○勒○謝○之○待○以○客○禮○勒○籍○浚○

將○佐○親○戚○家○貲○皆○巨○萬○惟○憲○綽○止○有○書○百○餘○裘○音同

衣○也○書鹽○米○各○十○餘○斛○而○已○勒○曰○吾○不○喜○得○幽○州○見上

石勒喜得
二子

喜○得○二○子○以○憲○為○從○事○中○郎○綽○為○參○軍○以○故○尚○書○劉○

翰○行○幽○州○刺○史○戍○如薊○置○守○宰○而○還○劉○翰○不○欲○從○勒○

乃○歸○段○匹○磾○鮮卑匹○磾○遂○據○薊○城○綱夏○五○月○太○尉○涼○

州○牧○西○平○見上公○張○軌○卒○子○寔○寔嗣

綱乙亥三年

漢建元元年

春二月以左丞相盧為丞相都

督中外諸軍事南陽王保為相國劉琨為司空綱進

鮮卑拓跋猗盧為王

代

今山西大

公猗盧

拓跋氏名猗盧鮮卑索頭部也

爵為代王

懷帝永嘉

四年拔跋猗盧助劉琨破匈奴劉虎與白部鮮卑琨表猗盧為大單于封代公至是進爵為王後為元魏

綱夏六月陶侃擊杜弼破之弼走死湘州平

見上丞

相睿加王敦都督江揚等州軍事綱王敦徙陶侃為

廣州刺史

書直書敦徙

目時王機盜據廣州

今廣東廣州府

侃至遣督護討機走之廣州遂平侃在州無事輒朝

運百甕

平入聲甕甕也卽甕甕

於齋外暮運於齊內人問其故

陶侃運甕

答曰吾方致力中原過爾優逸恐不堪事故習勞耳

綱丙子四年漢麟嘉元年春二月代六脩猗盧長子弒其君猗

盧普根猗龜子討之而立尋卒鬱律猗盧弟弗之子立綱張寔

遣兵入援書前書張軌遣都護入衛矣又書張軌遣兵詣長安矣於是後書張寔遣兵入援

張氏父子可謂能事君矣寔遣將軍王該帥步騎五千入援長

安且送諸郡貢計貢獻計二詔拜寔都督陝西諸軍事綱

秋七月漢劉曜陷北地進至涇陽今陝西西曜取北地今陝西

進至涇陽今陝西西渭北諸城悉潰合曜獲將

軍魯充眾縲飲去聲之酒曰吾得子天下不足定也充

義士貞女

吉朗死節

曰身爲晉將國家喪敗不敢求生若蒙公恩速死爲
 幸曜曰義士也與之劍令自殺緯妻辛氏美色曜將
 妻去聲之辛氏大哭曰妾夫已死義不獨生且一婦人
 而事二夫明公又安用之曜曰貞女也亦聽自殺皆
 以禮葬之綱冬十一月漢劉曜陷長安帝出降御史
 中丞吉朗死之漢封帝爲懷安侯書帝出降與遷
異矣既至平陽
 帝稽首勸允慟哭聰怒囚之允自殺其視庾珉王雋
 等耳此何以不書允之勸哭義也因而自殺則安知
 其非有不得已者乎固不可與朗之自殺同矣珉雋
 不書宮朗何以書明稱不忍北面事賊則固晉廷之
 臣也故特書註王雋見上六庾珉
官書死之曜攻陷長安外城

劉曜斬索
綝子

麴允索綝退守小城內外斷絕城中飢甚帝泣謂允
曰今窮厄如此外無救援當忍恥出降以活士民因
歎曰誤我事者麴索二公也使侍中宗敞昌上聲送降
牋於曜綝潛畱敞使其子說曜曰若許綝以車騎儀
同萬戶郡公者請以城降曜斬而送之曰帝王之師
以義行也孤將兵十五年未嘗以詭計敗人必窮兵
極勢然後取之今綝所言如此天下之惡一也輒相
爲戮之帝乘羊車肉袒但出降羣臣號泣攀車帝亦
悲不自勝升御史中丞吉朗歎曰吾智不能謀勇不

能死。何忍君臣相隨北面事賊虜乎？乃自殺。曜送帝

於平陽。見上漢主聰臨光極殿帝。稽首於前。允伏

地。慟哭。聰怒。囚之。允自殺。聰以帝為光祿大夫。封懷

安侯。斬紕於市。綱十二月。劉琨長史李以并州見上

叛降石勒。琨奔薊。歸段匹碑綱丞相庾出師露次移

劉琨奔段匹碑

檄吸北征。

右西晉四帝共五十二年

東晉紀都江東建康故曰東晉

中宗元皇帝名廢宣帝曾孫琅邪王觀之子愍帝遇害即位於建康在位六年壽四十六歲

而崩諡法始
建國都曰元

綱丁丑中宗元皇帝建武元年

漢麟嘉二年○涼元
公張寔稱建興五年

○舊大國一併成小國
一新小國一凡三僭國

春三月丞相肅即晉王位

弘農

今河南河南
府靈寶縣

太守朱哲為漢所攻棄郡奔建康

即建業
見上一

稱受愍帝詔令丞相肅統攝萬機肅素服出

次

喪**舉哀三日官屬上尊號不許請依魏晉故事稱**

晉王乃許之遂即位改元置百官立宗廟建社稷立

世子紹為王太子封次子裒為琅邪王奉恭王

見上
卷七

後鎮廣陵

見上
十一

以王敦為大將軍王導為揚州刺史

領中書監錄尚書事。乃協為僕射。夜周顗以為吏部

尚書賀循為太常時承喪亂之後江東草創協久宦

中朝諳練舊事循為世儒宗明習禮樂凡有疑議皆

取決焉。

牛繫馬後

之謠

元帝旨續

晉宗

致堂胡氏曰魏明帝青龍三年張掖柳谷口水
涌寶石負圖有石馬七及犧牛之象謹按自司
馬懿啓封於晉傳至愍帝適及七代此石馬之
數也晉時又有牛繫馬後之謠考之前史載元
帝之父為小吏牛氏與夏侯妃通而生元帝不
可誣也然則元帝姓牛而冒續晉宗雖曰帝曾
可榮而偽姓音按晉書司馬懿因寶石負圖有
之辱亦大矣註石馬犧牛之象又有牛繼馬後
之謠故深忌牛氏會有將牛金者懿心疑之遂
為二榼分財酒而其一曰召金侍飲自飲佳者

而以鴆飲金。金死，後恭王妃夏侯楫音堪入氏，適與小吏牛氏通而生元帝。註聲酒器

綱劉琨慕容廆

灰上聲

皆遣使勸進

書勸進何正統

位特書元年終綱日書勸進發琨中國也。廆夷狄也。者惟晉元帝漢主知遠而巳。明合而書之者嘉廆能

尊注知義所謂夷而進於中國則中國之也。

目劉琨投匹磾

見相與歃血

同盟翼戴晉室。琨檄告華夷遣右司馬溫嶠橋去聲奉

表詣建康勸進

勸勉進上

琨謂嶠曰晉祚雖衰天命

未改吾當立功河朔

河北

使卿延譽

傳名

江南行矣

勉之。嶠至建康王導周顗庾亮等皆愛其才爭與之

交。王以慕容廆

見上

為龍驤將軍大單于昌黎

見上

辛賓死節

公。廩不食。處士高詡許曰。霸王之資。非義不濟。今晉室雖微。人心猶附之。宜遣使江東。示有所尊。然後杖大義以征諸部。不患無辭矣。廩從之。遣長史王濟。浮海詣建康。勸進綱。秋七月。漢立子粲為太子。綱冬十一月。以劉琨為太尉。綱立太學。從征南軍司馬戴邈之請也。綱十二月。漢主劉聰弑帝於平陽。辛賓死之。綱漢主聰出。敗以帝行車騎將軍戎服。執戟前導。見者指之曰。此故長安天子也。故老有泣者。十二月。聰饗羣臣。使帝行酒洗爵。已而又使執蓋。晉臣涕泣。有失聲者。尚書郎

辛賓起抱帝大哭聰斬之帝遂遇害謚曰孝愍。

綱戊寅太興元年

漢主劉曜

春三月王即皇帝位

書法

書即皇帝位何正統也終綱目書即皇帝位四漢書高祖光武昭烈晉則元帝舍是無書即皇帝位者矣

且愍帝凶問至建康王斬縗居廬

喪大記父母之喪居倚廬廬在中門

外東壁倚木爲之故云倚廬

百官請上尊號不許紀瞻曰晉氏統

絕於今二年兩都燔蕩宗廟無主劉聰竊號於西北

而陛下高讓於東南此所謂揖讓而救火也工猶不

許使殿中將軍韓績撤去御座瞻吐績曰帝座上應

列星敢動者斬王爲

去聲

之改容奉朝請

見十五卷

周

帝座上應列星

揖讓救火

周嵩諫上
尊號

嵩上疏曰。占之王者。義全而後取。讓成而後得。是以

享世長久。今梓宮

見二十卷八

未返舊京。未清宜闇。延嘉

謀。訓卒厲兵。先雪大恥。副四海之心。則神器

見二十卷十七

將安適哉。由是忤旨。出為新安

今江南徽州府

太守。嵩顛之

弟也。王遂即皇帝位。百官皆陪列。命王導升御牀。其

坐導固辭曰。若太陽下同萬物。蒼生何由仰照。乃止。

大赦文武增位一等。

周嵩與費

詩同旨

遂昌尹氏曰。繼統與創業不同。今周嵩所言。與費詩同旨。固不為無見。然特未知紹續之意耳。綱目於光武昭烈元帝未混一之時。所以皆書即皇帝位。而無嫌者。正以幸其繫人心。續正統。

副四海依歸之望慰祖宗在天之靈固不得與他妄自尊大者比也
費詩見二卷十三

立王太子紹為皇太子。目紹仁孝喜文辭善武藝。

好賢禮士。容受規諫。與庾亮溫嶠等為布衣之交。亮

風格峻整。善談老莊。老子莊子帝器重之。聘其妹為紹妃。

以韓非書賜太子

使亮侍講東宮。帝好刑名家。以韓非書見七卷賜太

子亮。諫曰。申韓刻薄傷化。見十三卷四不足留聖心。太子

漢文斯則百堂災

納之。綱漢螽斯則百堂災。螽斯詩周南篇名螽斯蝗屬一生九十九子則

百詩大雅思齋篇云太書火災非宮闕宗廟不書如嗣徽音則百斯男。法堂也何以書著聰滅也

張寔遣使上表

燒殺漢主聰子二十一人。綱張寔遣使上表。比至帝已即位

然寔竟不用江東
年號猶稱建興。夏四月。加王導驃騎大將軍開府

儀同三司。目導遣從事將軍行上揚州郡國還見各

言二千石官長得失。獨顧和無言。導問之。和曰。明公

作輔。寧使網漏吞舟。何緣採聽風聞。以察察也。過明為

政邪。導咨嗟稱善。綱五月。段匹磾殺太尉廣武侯劉

琨。發匹磾鮮卑之種。乃心帝室。亦甚可嘉。然不思戮

明力共功之義。遂至戕害督將。則其餘不足觀矣。

書殺太尉廣武侯劉琨。琨所以誅匹磾也。其旨明矣。目初琨世子羣為段末

杯弟。所得末杯厚禮之。許以琨為幽州。今直隸刺

史欲與之襲匹磾。見上密遣使齎羣書請琨為內應

顧和無言

網漏吞舟

爲匹磾邏羅去上二騎所得匹磾以書示琨琨曰與

公同盟庶雪國家之恥若見書密達亦終不以一子

之故負公而忘義也匹磾雅重琨初無害琨意會代

郡太守辟閭複嵩潛謀襲匹磾事泄匹磾收琨縊意

殺之溫嶠表現盡忠帝室家破身亡宜在褒恤後數

歲乃加贈太尉諡曰愍嶠之詣建康見上十六也其母崔

氏固止之嶠絕裾居衣而去既至屢求返命朝廷

不許會琨死除散騎侍郎嶠聞母亡阻亂不得奔喪

固讓不拜苦請北歸詔曰今桀逆未梟諸軍奉迎梓

溫嶠絕裾

宮猶未得進嶠可以私難而不從王命邪嶠不得已
受拜綱秋七月漢主聰卒太子粲立八月斬傳準弑
而代之石勒引兵討準冬十月劉曜自立於赤壁封
勒爲趙公目漢主聰寢疾徵劉曜石勒受遺詔輔政
斬準爲大司空聰卒粲卽位聰后四人皆年未二十
粲多行無禮八月準遂勒兵入執粲殺之劉氏男
女無少長皆斬東市發淵聰二陵斬聰屍焚其廟自
號大將軍漢天王曜聞亂自長安見上赴之勒帥精
騎五萬以討準十月曜至赤壁水名在山西平陽府趙城縣卽皇

帝位。以勒為大司馬加九錫見卷二十八進爵為趙公。**綱**

日夜出高三丈

十一月日夜出高三丈。書法見上十一**綱**以至敦為荊州刺

史。詔州郡秀孝秀才秀孝復試經策。**綱**十二月漢將軍

喬泰討靳準斬之。

綱已卯二年。漢改號趙光初二年。後趙高祖石勒元年。舊大國一。成涼小國二。新大國

一。凡四春二月石勒獻捷於漢漢斬其使。曰勒遣左

長史王脩獻捷於漢漢主曜遣使授勒太宰進爵趙

王加殊禮稱警蹕。見卷十一脩舍人曹平樂畱仕漠言

於曜曰勒遣脩來實窺彊弱俟其復命將襲乘輿時

詔琅邪恭王為皇考

漢兵疲弊曜乃追所遣使斬脩於市勒大怒曰孤事劉氏於人臣之職有加矣彼之基業皆孤所為今既得志還欲相圖趙王趙帝孤自為之何待於彼耶

三月詔琅邪恭王為皇考既而罷之

書皇其私親多矣自漢宣

帝以來未之有改也下詔未幾尋繼以罷元帝至漢於是可謂能從諫矣書曰既而罷之美改過也

帝見十詔琅邪恭王見上宜稱皇考賀循曰禮子

不敢以己爵加於父乃止夏四月漢徙都長安

西西安府立妃羊氏即惠帝后為后子熙為太子漢改

號趙曰漢主曜立宗廟社稷南北郊於長安改國號

漢改號趙

為趙以冒頓

見十卷

配天

綱冬

十一月石勒稱趙王

目勒即趙王位稱元年是為後趙加張賓大執法專

總朝政以石虎為驃騎將軍督諸軍呼賓曰右侯而

不敢名綱

十二月宇文氏

鮮卑別部漢南單于之遠屬在遼東塞外

攻慕

容廐

見上

廐大敗之遂取遼東遣長史裴嶷

夷

來獻

捷綱

蒲洪

見上

降趙

綱庚辰三年

趙光初三年後趙二年

春三月以慕容廐為平州刺

史綱

裴嶷至建康盛稱廐之威德賢雋

同

皆為

去聲之

用朝廷始重之帝次留嶷嶷曰臣小蒙國恩出入省

聞若得復奉輦連上轂臣之至榮但以竹木治陵山

陵穿毀名臣宿將其能雪恥獨龍驤見上竭忠王室

裴巖不肯
出晉

故使臣萬里歸誠今臣不返必謂朝廷以其僻陋而

棄之孤也負其嚮義之心使懈於討賊此臣之所甚惜

也帝然之遣使隨巖拜鹿為安北將軍平州今直隸永平府

刺史同夏五月涼州殺其刺史張寔弟茂立同趙以

喬彖和苞為諫議大夫同趙主曜作鄧明觀貫及西

宮陵霄臺又營壽陵侍中喬彖和苞力諫曜下詔曰

二侍中懇懇有古人之風可謂社稷之臣矣其悉罷

劉曜納諫

諸役以豫苞領諫議大夫。綱冬十二月以譙王承整

為湘州刺史。宣帝之始鎮江東也。王敦與從弟導同

心翼戴帝。亦推心任之。敦總征討。導專機政。羣從子

弟布列顯要。時人為去之語曰。王與馬共天下。後敦

王與馬共天下

恃功驕恣。帝畏而惡之。乃引劉隗委刁協等以為腹

心。稍抑損王氏權導。亦衛見疏外。導能任真推分。間

任其真性推之澹如也。而敦益懷不平。隗為帝謀出

心腹以鎮方面。詔以左將軍譙今江南鳳陽府亳州王承元帝叔父

為湘州今涉廣刺史。行至武昌今湖廣。時為荆與

鈴力豈無
一割之用

之宴謂承曰大王雅素佳士恐非將帥才也承曰公

未見知耳

死

豈無一割之用敦謂錢鳳曰彼不

知懼而學壯語無能為也乃聽之鎮時湘士田弊承

躬自儉約傾心緩撫甚有能名

綱辛巳四年

趙光初四年

春三月日中有黑子綱後趙

日中有黑子
段匹羣死

陷幽冀并州撫軍將軍幽州刺史段匹羣死之綱

秋七月以戴淵都督司豫劉隗都督青徐諸軍事王

導為司空錄尚書事綱以淵為征西將軍督六州鎮

合肥

今九南廬川府合肥縣

隗為鎮北將軍督四州鎮淮陰今

南淮安府皆假節領兵名爲討胡實備王敦也隗雖在外

而朝廷機事進退士大夫帝皆與之密謀敦遣子隗

劉隗答王敦

書言欲與之戮力王室共靜海內隗答曰魚相忘於

江湖人相忘於道術竭股肱之力效之以忠貞吾之

志也敦怒帝以敦故以導爲司空錄尚書事而實疎

忌之綱九月豫州刺史祖逖卒以其弟約代之目逖

以戴淵吳士雖有才望無弘致遠識且已剪荆棘收

河南地而淵雍容一旦來統之意甚怏怏又聞王敦

與劉魔刁之橫隙將有內難知大功不遂感激發病

卒於雍丘

今河南開封府杞縣 見上

士女若喪

如父母喪

由是益無所憚。約無綏御之才，不為士卒所附。以

慕容廆為車騎將軍、平州見上牧、遼東公。廆立子

燕太祖黃上

為世子

即燕太祖

覲雄毅，多權略，喜經術，國人稱之。

拓跋猗

猗代弒其君，鬱律子賀儁

農入

立。目拓跋猗

見上

妻隗氏，忌伏王鬱律

見上

之，疆恐不利其子，乃殺鬱

魏高祖

律而立子賀儁，鬱律之子什

翼健

虔。即

幼在襁

聲 襁。其母王氏匿於袴中，視之曰：「天苟存汝，則勿

啼，久之不啼，乃得免。」

王敦舉兵

城狐社鼠

新金身金

卷三

二四

王午。永昌元年。趙光初五春正月。王敦舉兵反。譙

王承。甘卓移檄吸討之。敦分兵寇長沙。旦初敦將作

亂。謂長史謝鯤曰。劉隗姦邪。將危社稷。吾欲除君。則

之惡何如。鯤曰。隗誠始禍。然城狐社鼠。喻近君也。劉向說苑。狐人

之所攻。鼠人之所熏。未見城狐鼠見攻社鼠。見熏何則。所託者然也。敦怒曰。君庸才。豈

達大體。至是舉兵武昌。見上疏稱劉隗佞邪。讒賊臣

輒進軍。致討昔太甲顛覆。福厥度。幸納伊尹之忠。殷

道復昌。願陛下深垂三思。沈充亦起兵於吳興。今浙

州以應敦。敦至蕪湖。今江南太平府蕪湖縣又上表罪狀刁協

帝大怒詔曰王敦憑恃寵靈故肆狂逆方朕太甲欲

見幽囚是可忍也孰不可忍今親帥六軍以誅大逆

有殺敦者封五千戶侯敦初起兵遣使告梁州今陝西漢中

刺史甘卓約與俱下卓許之後更狐疑不赴敦遣

參軍桓鸞說譙王承上請為已軍司承囚鸞移檄遠

近列敦罪惡州州內皆應之敦恐卓於後為變又遣

參軍樂道融往邀之道融忿其悖逆反說卓曰王敦

背恩肆逆舉兵向關君受國厚恩而與之同生為逆

臣死為愚鬼不亦惜乎為君之計莫若偽許應命而

樂道融
甘卓

新金人外傳卷之二十一
三

馳襲武昌見上必不戰而自潰會矣卓意始決遂露檄

數上敦逆狀帥所統致討遣參軍至廣州見上約陶

侃侃遣參軍高寶帥兵北下武昌城中傳卓軍至人

皆奔散敦遣魏父帥兵攻長沙即湘州見上城池不完資

儲又闕人情震恐或說承南投陶侃或退據零桂零桂

桂陽見二永曰吾之志欲死忠義豈可貪生苟免為

奔敗之將乎事之不濟叶七卷一令百姓知吾心耳乃嬰饒也城

固守甘卓亦遣承書勸之且云當以兵出沔勉口在湖

廣漢陽府斷成西南敦歸路則湘圍自解矣承復書曰足

下能卷上聲甲電赴猶有所及若其狐疑則求我於

魚之肆矣莊子外物篇莊周貸粟於鄰河侯侯曰以金貸汝周曰昔見轍中涸鮒曰無升斗之

水以活我乎周曰待我決西江小以活汝鮒曰如君言不如早索我於枯魚之肆也卓不能從

綱封子是欲口即為琅邪王**綱**三月敦據石頭殺驃

騎將軍戴淵尚書僕射夜周顗以甘卓還襄陽夏四

月敦還武昌**綱**帝徵戴淵劉隗俱見上入衛隗與才

協勸帝盡誅王氏帝不許王導敦從弟帥宗族每旦詣

臺待罪周顗將入導呼之曰伯仁周顗字以百口累卿

顗直入不顧既見帝言導忠誠申救甚至帝納其言

王敦謀逆頭

最賊取田

顓喜飲酒至醉而出導又呼之顓不與言顧左右曰
今年殺諸賊奴取金印如斗大繫肘後既出又上表
明導無罪言甚切導不知恨之帝命還導朝服召見
之導福首曰逆臣賊子何代無之不意今者近出
臣族帝先上聲跪徒足履地而執其手曰茂弘王導字方寄卿
以百里之命是何言耶以為前鋒大都督詔曰導以
大義滅親可以吾為安東見上時節假之敦至石頭
見三十一守將周札開門納之敦據石頭歎曰吾不
卷二十四復得為盛德事矣帝命協隗淵導顓等分道出戰皆

大賁協隗敗還。帝流涕執其手。勸令避禍。紹人馬使

自爲計。協爲人所殺。隗奔後趙。石勒帝令百官詣石頭

見敦。敦謂淵曰。君今此舉。天下以爲何如。淵曰。見形

者謂之逆。體誠者謂之忠。敦笑曰。卿可謂能言。又謂

周顗曰。伯仁卿負我。顗曰。公戎車犯順。下官親帥六

軍。不能其事。使王旅奔敗。以此負公。敦參軍呂猗素

呂倚說敦
殺周戴

以奸諂爲淵所惡。說敦曰。周戴皆有高名。足以惑衆

近者之言。曾無忤色。公不除之。恐必有再舉之憂。敦

王導不答
殺周戴

然之。以問導。導不答。敦遂收顗。并淵殺之。帝使敦弟

王彬與周
顗

王彬與周
顗

顗
脚痛孰若
顗痛

彬勞去敦彬素與顗善先往哭之然後見敦敦怪其
容慘問之彬曰向哭伯仁情不能已敦怒曰伯仁自
致刑戮且凡人遇汝汝何哀而哭之彬勃然上數上之
曰兄抗旌犯順殺戮忠良圖爲不軌禍及門戶矣辭
氣慷慨聲淚俱下敦大怒曰爾以吾爲不能殺汝耶
導勸彬起謝彬曰脚痛不能拜且此復何謝敦曰脚
痛孰若頸痛彬殊無懼色導後料檢中書故事乃見
顗表執之流涕曰吾雖不殺伯仁伯仁由我而死幽
冥之中負此良友初敦聞甘卓起兵大懼卓兄子功

為敦參軍敦遣叩歸說卓使旋軍卓性多疑少決

徑還襄陽卓缺襄陽今四月敦還武昌綱敦兵陷長

謹王永死

沙綱湘州刺史譙王承死之綱五月敦殺甘卓襄陽太守周慮

承敦意書書卓過何罪卓也永卓皆嘗予之以討矣襲殺之於是或書死之而具其官或書殺而削其

爵為義不終綱冬十月後趙寇譙祖約退屯壽春綱

祖逖既卒見上後趙屢寇河南拔襄城今河南開封府襄城縣

城父南○故城在江圍譙即亳祖約見同不能禦退

屯壽春今鳳陽府壽州後趙遂取陳畱今開封府陳畱縣梁今開封府祥符

縣鄭府今開封之閒復騷然矣綱閏十一月帝崩司空

晉元帝 二八

導受遺詔輔政。太子紹卽位。帝恭儉有餘而明斷不足。故大業未復而禍亂內興。竟以憂憤成疾而崩。太子卽位。尊所生母荀氏爲建安君。○後趙右長史張賓卒。○賓卒後。趙王勒哭之慟。曰。天不欲成吾事。邪。何奪吾右侯之早也。程遐代爲右長史。勒每與遐議有不合。輒歎曰。右侯捨我去。豈非酷乎。流涕彌日。

肅宗明皇帝

名紹。元帝長子。幼聰慧。嘗有使者從長安來。元帝問紹曰。長安近日近。紹曰。長

安近日。聞人從長安來。不聞人從日。邇來。元帝奇其對。一日與羣臣語及之。復以問紹。紹曰。日近。帝愕。去日何異。聞者之言耶。紹曰。舉頭見日不見長安。元帝益奇之。在位三年。壽二十七歲。

而崩諡法諡
恕不行日明

綱癸未肅宗明皇帝太寧元年趙光初六年春二月葬

建平陵

在江寧府上先縣

綱夏四月敦移屯姑孰自領揚州

牧以王導為司徒曰敦謀篡位諷朝廷徵已帝手詔

徵之敦移鎮姑孰

今江南太平府

屯于湖

今湖平府常塗縣

以導

王彬苦諫

為司徒自領揚州牧敦欲為逆王彬

敦弟

諫之甚苦敦

變色目左右將收之彬正色曰君昔歲殺兄

懷帝末嘉六年

敦殺兄

今又殺弟邪敦乃止綱六月立皇后庾氏以

王澄

庾亮與王

庾亮

后

為中書監

綱不書

弟兄亮亮賢也

直董重見

匪二十四

晉書

卷二十一晉明帝

二

後秦姚弋仲

卷二十三楊駿見

綱秋七月趙封姚弋仲

見上

為平

襄故城在陝西

公綱

八月敦表江西都督郗鑒為

鑒為

尚書令固帝畏王敦之逼以鑒為外援使鎮合肥

見

王敦與郗鑒論西朝人士

三敦忌之表鑒為尚書令鑒還過敦敦與論西朝

西

人士曰樂彥輔

樂廣

短才耳考其實豈勝滿武秋

滿

邪鑒曰

輔道韻平淡愍懷

惠帝太子

之廢柔而能

正武秋失節之士安能擬之

惠帝永康元年幽愍懷太子於許昌詔宮臣不

得辭送江綏等五人送至伊水并辭涕泣司隸收縛

送獄河南尹樂廣皆解遣之永寧元年趙王倫篡位

逼奪璽綬滿膏

敦曰當是時危機交急鑒曰丈夫當

奉上之女云

死。生以之。敦惡其言。鑒還臺。遂與帝謀討敦。**綱**趙擊

涼州

今陝西行都司涼川衛

張茂

見上

降。趙封茂為涼王。

綱甲申二年

趙光初七年。後趙六年。

夏五月。趙涼王張茂卒。世子

駿嗣

駿疾。病執駿手泣曰。吾家世以孝疾。恭順著稱。胥室雖微。汝奉承之不可失也。

綱六月

加司徒導。大都督楊州刺史督諸軍討敦。敦復反。秋

七月。至江寧。帝親征。破之。敦死。衆潰。

會

其黨錢鳳沈

充伏誅。

目敦無子。養兄含子。應為嗣。至是疾甚。矯詔

拜為武偏將軍。以自副。錢鳳曰。脫有不諱。便當以後

事付應邪。敦曰。非常之事。非常人所能為。且應年少。

土敦三計

溫嶠繆為勤敬

豈堪大事。我死之後，釋兵歸朝，保全門戶。上計也。退還武昌，收兵自守，貢獻不廢。中計也。及吾尚存，悉眾而下，萬一僥倖，下計也。鳳謂其黨曰：公之下計，乃上策也。遂與沈充定謀。初，帝親任中書令溫嶠，敦惡之，請為左司馬。嶠乃繆為勤敬，綜其府事。時進密謀，以附其欲，深結錢鳳，為之聲譽。每曰：錢世儀，鳳精神滿腹。鳳甚悅。會丹陽今江南江寧府，即建康也。尹缺，嶠言於敦曰：京尹咽喉之地，公宜自選。敦然之。問誰可者，嶠薦錢鳳。鳳亦推嶠，嶠傷辭敦不聽，遂表用之。使覘諜平去

窺伺也朝廷嶠恐既去而感於後開

手版

起行酒至鳳凰未及飲嶠偽醉以手版

也笏也責有巾墜嶠作色曰錢鳳何人溫太真案行酒

出閣復入者再

不飲敦以為醉兩釋之嶠與敦別涕泗橫流出閣

復入者再三行後鳳謂敦曰嶠於朝廷甚密而與庾

亮深交未可信也敦曰太真昨醉小加聲色何便爾

相讒嶠至建康盡以敦逆謀告帝與亮畫計討之帝

加導大部督領揚州刺史使嶠與將軍卞敦應詹鄒

鑒分督諸軍鑒請詔臨淮太守蘇峻兗州刺史劉遐

等入衛。帝屯于中堂。導聞敦疾篤。帥子弟爲之。發哀。衆以爲敦信死。咸有奮志。於是尚書騰詔。下敦府曰。敦輒立兄息子以自承代。不由王命。頑凶相獎。志窺神器。見十八天不長姦。敦以傾弊。鳳復煽逆。公道司徒。導等討之。諸爲敦所授用者。一無所問。敦見詔甚怒。而病轉篤。將起兵使郭璞筮之。璞曰。無成。敦素疑璞助嶠。又問吾壽幾何。璞曰。明公起事。禍必不久。若住武昌。壽不可測。敦大怒曰。卿壽幾何。曰。命盡今日。日中敦收璞斬之。使王含、錢鳳、周撫等帥衆向京師。七

月舍木陸五萬奄

忽也

至江寧

見上

南岸導遺舍書曰

導門戶大小受國厚恩今日之事明目張膽爲六軍

之首寧爲忠臣而死不爲無賴而生矣合不答帝帥

諸軍出屯南皇堂夜募壯士遣將軍段秀

匹礪之弟

等師

千人渡水掩其未備平旦戰於越城

在江寧府南六里

大破

之敦聞舍敗大怒尋卒應祕不發喪裹尸以痛埋於

廳事中帝使人說沈充許以爲司空充不奉詔遂舉

兵與舍合劉遐蘇峻等帥精卒萬人至擊充鳳大破

之潯陽

今江西九江府

太守周光帥千餘人赴敦求見應辭

以疾光退。見其兄撫曰。王公已死。兄何為與錢鳳作。賤衆皆愕然。舍等遂燒營。夜遁。明日帝還宮。舍奔荊州。王舒荊州刺史遣軍迎之。沉去声其父子。應於江。周光斬鳳。詣闕自贖。充為故將。吳儒所殺。傳轉去声首建康。敦黨悉平。有司發敦瘞。意也。埋也。焚其衣冠。踞其上声長跪也。而斬之。

綱乙酉三年。

趙光初八。後趙七年。

春二月立子衍為皇太子。

綱

夏五月以陶侃都督荆

今湖廣。荆州府。湘長沙府。

等州軍事。

侃復鎮荊州。

見上。

士女相慶。侃性聰敏。恭勤終日。

陶侃借分陰

斂膝危坐。軍府衆事檢攝無遺。未嘗少閑。常語去聲人

曰。大禹聖人。乃惜寸陰。至於衆人。當惜分陰。豈可逸

遊荒醉生。無益於時。死無聞於後。是自棄也。諸參佐

以談戲廢事者。命取其酒器蒲

蒲。擣蒲戲也。老子入胡作。今人擲之爲

戲。

博。今之雙陸。亦擣蒲戲。

之具。悉投之於江。將吏則加鞭撻。曰。

擣

樞

蒲者。牧豬奴戲耳。老莊浮華。非先王之法言。不

益實用。君子當正其威儀。何有蓬頭跣足。自謂宏達。

邪。有奉饋者。必問其所由。若力作所致。雖微必喜慰。

賜參三倍。若非理得之。則切厲訶辱。還其所饋。嘗造

船其木屑竹頭。皆令籍而掌之人咸不解。械後正

會積雪始晴。聽事也。中庭前猶溼。乃以木屑布地。及桓

溫伐蜀。見下卷十九。又以所貯竹頭作丁裝船。其綜理微

密。皆此類也。綱秋閏七月。帝崩。司徒導。中書令庾亮

尚書令卞壺。受遺詔輔政。太子衍即位。尊皇后為

皇太后。太后臨朝稱制。葬武平陵。在江寧府上元縣。

賀善贊曰。明帝即位三年。綱目所書。自王敦外。不過立后太子。及大臣除卒數事耳。獨能奮發。剛斷躬殄大慙。可謂明也已矣。故自入綱。目以來。未有書親征者。於是特書予之。

綱冬十二月。代王賀儁。見上。卒。弟紇。痕入。那立。終

尺木堂綱鑑易知錄卷三二

周之炯靜專

通鑑綱目定本

山陰吳乘權楚材同輯

周之燦星若

東晉紀

顯宗成皇帝

名衍明帝長子在位十七年壽二十歲而崩諡法安民立政曰成

綱丙戌顯宗成皇帝咸和元年

趙光初九夏六月以後趙八年以

郗鑒為徐州

今江南徐州

刺史

司徒導稱疾不朝而私

送鑒卞壺奏導虧法從私無大臣之節請免官雖事

下壺不肯
苟同時好

寢不行舉朝憚之。壺儉素廉潔。裁斷切直。當官幹實。
性不弘裕。不肯苟同時好。故為諸名士所少。阮孚謂
曰。卿常無閑泰。如含瓦石。不亦勞乎。壺曰。諸君子以
道德恢弘。風流相尚。執鄙吝者。非壺而誰。時貴遊子
弟多慕王澄。謝鯤。俱見三十卷十二為放達。壺厲色於朝。曰。
倖禮傷教。罪莫大焉。中朝傾覆。福實由於此。欲奏推
之導。及庾亮不聽。乃止。綱秋八月。以溫嶠為都督江
州軍事。王舒為會稽內史。目初。王導以寬和得衆。
及庾亮用事。任法裁物。頗失人心。祖約見上卷二八自以

名輩不後邨卡而不預顧命見三卷七遺詔褒進大臣又

不及約與陶侃二人皆疑亮刪之歷陽今江南內史

蘇峻有功於國見上卷三二威望漸著卒銳胃器精有輕

朝廷之志亮既疑峻約又畏侃之得衆乃以嶠鎮武

昌今湖廣武昌府舒守會稽今浙江以廣聲援又脩石頭見上

卷二以備之丹陽見上卷三十尹阮孚謂所親曰江東創

業尚淺王幼成帝方六歲時艱庾亮年少德信未孚以吾

觀之亂將作矣遂求出為廣州今廣東刺史綱冬十

月殺南頓王宗降封西陽王羨意為弋陽縣王目宗

阮孚知亂將作

自以失職怨望。又素與蘇峻善。庾亮欲誅之。中丞鍾雅劾宗謀反。亮收殺之。降封其兄太宰西陽王。胤為弋陽縣王。宗宗室近屬。胤先帝保傅。亮一旦剪黜。由是愈失遠近之心。宗之死也。帝不之知。久之。帝問亮曰。常曰。白頭公何在。亮對以謀反伏誅。帝泣曰。舅言人作賊。便殺之。人言舅作賊。當如何。亮懼變色。

常曰白頭
公何在

蘇峻與祖
約舉兵反

綱丁亥二年

趙光初十
後趙九年

冬。徵蘇峻為大司農。峻與祖

約舉兵反。庾亮以蘇峻在虛陽。終為禍亂。欲下詔

徵之。司徒導曰。峻必不奉詔。不如且包容之。卞壺曰。

無過雷池
一步
山頭望廷尉

峻擁強兵逼近京邑路不終朝一旦有變易為蹙敗
宜深思之溫嶠亦累書止亮舉朝以為不可亮皆不
聽徵峻為大司農峻上表辭不許峻遂不應命溫嶠
即欲師衆下衛建康亮報嶠書曰吾愛西陲垂過於
歷陽足下無過雷池今江南安慶府望江縣一步也亮復遣使
諭峻峻曰臺下云我欲反豈得活耶我寧山頭望廷
尉見八卷三不能廷尉望山頭峻知祖約亦怨朝廷乃請
共討亮約大喜遣兄子浦渙增許柳以兵會峻綱十
二月峻襲陷姑孰今江南太平府詔庾亮督諸軍討之宣城

今江南內史桓彝起兵赴難

綱戊子三年

趙光初十一年後

春正月溫嶠以兵赴難

下壺死節

至潯陽二月尚書令成湯公卞壺督軍討峻戰敗死

之庾亮奔潯陽峻兵犯闕且溫嶠欲救建康軍於潯

陶回計策
蘇峻

陽

今江西九江府

峻濟自橫江

在江南和州城東南陶回謂庾亮曰峻

知石頭

見上有重戍

忽必向

小丹陽

路名在江寧府治南與大平府當塗

縣接界

南道步來宜伏兵邀之可一戰擒也亮不從峻

果如回言而夜迷失道無復部分亮始悔之詔以卞

壺都督大桁

杭方舟也駕方舟以爲橋在江寧府治東南

東諸軍及峻戰

忠孝
卜壹一門

褚翼呵叱
峻兵

於西陵實實云地名大敗峻攻青溪柵寧府治東壹

又拒擊之壹背癰新愈同瘡猶未合力疾苦戰而死

二子瞻軫肝呵隨之亦赴敵死其母撫屍哭曰父為

忠臣子為孝子夫何恨乎亮奔潯陽峻兵人臺城在江

寧府治東北即司徒導謂侍中褚翼殺曰至尊當御

正殿翼即入抱帝登太極前殿峻兵既入叱翼令下

翼呵之曰蘇冠貫軍來觀至尊軍人豈得侵逼峻兵

不敢上殿峻以王導有德望猶使以本官居己之右

以祖約為太尉峻自錄尚書事綱三月皇太后庾氏

晉成帝

以憂崩峻南屯于湖

見上卷二九

綱葬明穆皇后**綱**夏五

月溫嶠以陶侃入討峻峻遷帝于石頭郗鑒王舒來

赴難**目**溫嶠將討峻遣督護王愆期詣荊州邀陶侃

同赴難侃猶以不豫顧命見上為恨答曰吾疆場外

將不敢越局嶠更遣使邀之侃乃遣督護龔登帥兵

詣嶠嶠有衆七千於是灑泣登舟侃復追登還嶠遣

書曰峻約無道人皆切齒今之進討如石投卵若復

名兵還是為敗於殘成而或者遂謂仁公緩於討賊

此聲難追願深察之愆期亦謂侃曰峻豺狼也如得

溫嶠灑泣
登舟

陶侃戎服
登舟
鄉鑒流涕
誓衆

遂志。公寧有容足之地乎。侃深感悟。即戎服登舟。兼

道而進。鄉鑒在廣陵。今江南得詔書。即流涕誓衆人

赴國難。峻聞之。自姑孰。見同上還遷帝於石頭。見上

司徒導密令張闓。開以太后詔諭三吳。今江南蘇州府

江府爲中吳。浙江使起義兵。會稽。見上內史王舒使

庾冰將兵一萬。西渡浙江。在浙江杭州府城東於是吳興。即湖州府

太守虞潭。吳國。即蘇州府內史蔡謨。義興。今江南常州府宜興縣太

守顧衆等皆應之。潭母孫氏謂潭曰。汝當舍生取義。

勿以吾老爲累。盡遣家僮從軍。鬻環珮以給軍費。鑒

潭母

指彝死節

帥衆渡江與侃等會舟師直指石頭峻望之有懼色

綱峻分兵陷宣城

今江南寧國府

內史桓彝死之目桓彝聞

京城不守進屯涇縣

今寧國府涇縣

長史裨皮惠勸彝與峻

通使以紓交至之禍彝曰吾受國厚恩義在致死焉

能忍恥與逆臣通問如其不濟此則命也彝遣將軍

俞縱守蘭石

地名在寧國旌德縣北

韓晃

黃上聲峻將

攻之將敗左

右彝死節

右勸退軍縱曰吾受桓侯恩厚當以死報吾之不可

負桓侯猶桓侯之不負國也遂力戰而死晃遂進軍

至是城陷執彝殺之

綱

秋七月後趙攻壽春

見上卷二公

約衆潰會奔歷陽見上綱九月陶侃溫嶠討峻於石

頭斬之峻弟逸代領其衆法書前書溫嶠以陶侃此其

不相掩可也目西軍與峻久相持不決溫嶠軍食

溫嶠義激
陶侃

盡貸於陶侃侃怒欲西歸嶠曰天子幽逼社稷危殆

乃臣子肝腦塗地之日嶠等與公並受國恩事若克

濟則臣主同祚如其不捷當灰身以謝先帝耳今之

中騎虎安可

事勢義無旋踵譬如騎虎安可中下哉公若違衆獨

返人心必沮沮衆敗事義旗將廻指於公矣廬江今

太守毛寶說侃曰軍政有進無退可試與寶兵

州府南廬太守毛寶說侃曰軍政有進無退可試與寶兵

斷短賊資糧若不立效然後公去人心不恨矣侃然

而遣之竟陵

今湖廣安陸府

太守李陽說侃曰大事不濟公

雖有粟安得而食諸侃乃分米五萬石以餉嶠軍寶

燒峻句容

今江南京寧府句容縣

湖孰

地名去句容四十里

積聚峻軍之

食侃遂不去督水軍向石頭

見

庾亮溫嶠帥步兵萬

人從白石

山名在江南和州含山縣南

南上

峻將八千人逆迎戰

馬蹟

至顛作也

侃部將斬之三軍皆稱萬歲餘衆大潰

會峻司馬任讓等共立峻弟逸為主閉城自守綱冬

十二月後趙主勒大破趙兵於洛陽獲趙主曜以歸

毛寶燒蘇峻積聚

殺之。

綱已丑四年。

趙光初十二後趙太和二年。是歲趙亡。大小二凡三晉目。

春正月。

逸殺右衛將軍劉超。侍中鍾雅。目鍾雅謀奉帝出赴。

西軍。事泄。蘇逸使任讓將兵入宮收超雅。帝抱持悲。

泣曰。還我侍中右衛。讓奪而殺之。綱冠軍將軍趙胤。

攻拔歷陽。

見上。約奔後趙。

綱趙太子熙奔上邽。

故城在陝西鞏

昌府秦州境內。

後趙取長安。

見上。卷二十。

綱二月。諸軍討逸。斬之。

及西陽王璦。

見上。

目諸軍攻石頭。建威長史滕含大。

及其兵。獲蘇逸。韓晃。

見上。

斬之。含部將曹據抱帝奔。

蘇武節似不如是

溫嶠船羣臣見帝頓首號泣請罪殺西陽王荒陶侃與任讓有舊為去聲請其死帝曰是殺吾侍中右衛者不可赦也乃殺之司徒導入石頭令取故節侃笑曰蘇武節見十五卷十一似不如是導有慙色

遂昌尹氏曰荒非反者何以於慙逸之下而書及哉程頤子序春秋謂經為斷傳為案今綱目所書荒事如此以分註考之當峻入臺城之時荒請峻稱述功德峻復以荒為太宰西陽王則是荒俯首媚賊受其偽命其罪已不可勝誅矣故其書法如此此以綱目為斷分註為案也

綱以褚翼

見上

為丹陽尹

目時宮闕灰燼

盡嶠欲遷

都豫章

今江西

三吳

見上

之豪請都會稽

今浙江導

南昌府

見上

紹興府

等諫

曰孫仲謀孫權劉玄德劉備俱言建康王者之宅古之帝

王不必以豐儉移都苟務本節用何憂凋弊若農事

不脩則樂洽土為墟矣且北寇遊魂易繫辭遊魂為變伺我

之隙一旦示弱竄於蠻越求之望名實事實懼非良計

皆不可也今特宜鎮之以靜羣情自安由是不復徙都而

以翼為丹陽今江南江寧府即建康也尹翼收集散亡京邑遂安

綱三月以陶侃為太尉郗鑒為司空溫嶠為驃騎將

軍開府儀同三司庾亮為豫州刺史出鎮**綱**夏四月

驃騎將軍始安今廣西桂林府臨桂縣公溫嶠卒以劉胤為江

州今江西刺史。溫嶠卒時年四十二。諡曰忠武胤。

嶠軍司也。陶侃郤鑒皆言胤非方伯才。王導不從。或

謂導子悅曰。自江陵今湖廣荊州府江陵縣至於建康三千餘

里。流民萬計。國之南藩要害之地。而胤以汰侈臥而

對之。不有外變。必有內患矣。**綱**秋八月。後趙石虎攻

拔上邽。規殺趙太子熙。遂取秦隴。**目**趙南陽王胤帥

衆數萬。自上邽趨長安。見石虎救之。大破趙兵。乘勝

追擊。上邽潰。虎執趙太子熙及胤以下三千餘人。皆

殺之。趙徙其臺省文武。關東流民。秦今陝西鞏昌府秦州雍今陝

西陲安府大族于襄國後趙都今直隸順德府邢臺縣秦見隴今陝西鳳州

悉平蒲洪見上卷四姚弋仲見上卷九俱降於虎同

冬十二月將軍郭默殺劉胤目胤矜豪縱酒不恤政

事郭默被徵為右將軍求資於胤不得誣胤以大道

襲斬之傳轉去聲驛遞首京師綱代王紇那見上卷末出奔宇

文部見上卷二翳槐立見上卷匡翳槐見上卷之子也

綱庚寅五年趙建平元年春正月太尉侃討郭默斬之目

劉胤首至建康司徒導以郭默驍勇難制以默為江

州見上刺史陶侃聞之投袂起曰此必詐也即將兵討

之上表言狀且與導書曰默殺方州卽用爲方州害

宰相便爲宰相乎導答侃書曰默據上流之勢加以

船艦咸上聲成資故包含容忍以俟足下豈非遵養

時貽以定大事者耶詩周頌酌之篇於鑠王師遵養時晦於歎辭鑠盛遵循也此言

武王初有於鑠之師而不用退自循養與焉皆晦然後一戎衣而天下大定侃笑曰是乃

遵養時賊也兵至默將縛默以降侃斬之綱二月趙

王勒稱趙天王以石虎爲太尉封中山王綱趙誅祖

約見上夷其族綱夏五月詔太尉侃兼督江州綱侃

遂移鎮武昌今湖廣武昌府綱秋九月趙王勒稱皇帝

石勒稱趙

遵養時賊

綱壬辰七年

趙建平三年

春正月趙大饗羣臣趙主勒

謂徐光曰朕可方自古何等主對曰陛下神武謀略

石勒比高

過於漢高勒笑曰人豈不自知卿言太過朕若遇高

祖當北面事之與韓彭

韓信彭越

比肩若遇光武當並驅

中原未知鹿死誰手

前漢蒯徹曰秦失其鹿天下共逐之高材疾足者先得故云

大丈夫行事宜礪礪

同磊

落落如日月皎然終不效曹

孟德

曹操字

司馬仲達

司馬懿字

欺人孤兒寡婦狐媚以取

天下也勒雖不學好使諸生讀書而聽之時以其意

論古今得失聞者悅服嘗使人讀漢書聞酈食其勸

有勸聽讀漢書

立六國後

見九卷

驚曰此法當失何以遂得天下及

賴有此耳

聞而侯諫

見同

乃曰賴有此耳

致堂胡氏曰石世龍謂人豈不自知信矣而未
知知人之不易也光武之於漢高猶武王之於
文王也勒謂遇漢高即與韓彭比肩遇光武則
當並驅中原原是以光武為韓彭之流豈知光武
者音世龍石
哉註勒字

綱癸巳八年

趙建平四年

夏五月遼東公慕容廆

見上卷二四

卒世子覬

見同

嗣綱秋七月趙主勒卒太子弘立

八月趙石虎自為丞相魏王九月弒其太后劉氏

十月趙河東王石生等舉兵討之不克而死

綱甲午九年趙主不弘夏六月太尉長沙公陶侃平

目侃晚年深以盈滿自懼不預朝權屢欲告老歸國

佐吏等苦留之至是疾篤上表遜位薨諡曰桓侃在

軍四十一年明毅善斷識察纖密人不能欺自南陵

今江南寧國府南陵縣迄於白帝城名在四川夔州府治東數千里中路不

拾遺尚書梅陶嘗謂人曰陶公機神明鑒似魏武曹操

忠順勤勞似孔明諸葛亮陸抗見二九諸人不能及也

謝安鯁之每言陶公雖用法而恆得法外意綱成主

雄見三十卷二卒太子班立綱以庾亮都督江
五又二八
今江西南

陶公恆得法外意

昌荆今湖廣等州軍事。目亮鎮武昌。今湖廣。辟壁。武昌府。辟舉也。

殷浩為記室參軍。浩與褚裒杜乂皆以識度清遠善

談老易。老子擅名江東。而浩尤為風流所宗。桓彝嘗

謂裒曰。季野褚裒有皮裏春秋言其外無臧否鄙而

內有褒貶也。謝安曰。裒雖不言而四時之氣亦備矣

綱冬十月成李越雄弒其主班而立其弟期。綱十一

月趙石虎弒其主弘自立為居攝天王。

綱乙未咸康元年。趙太祖石虎建武元年。成主李期玉恆元年。春正月朔

帝寇貫綱三月幸司徒導府。目司徒導羸疾不堪朝

殷浩為風
流所宗
皮裏春秋

曾帝幸其府導辟王濛王述為掾硯屬官屬濛不脩

小廉而以清約見稱與沛國今江南劉惔徐州友善惔

常稱濛性至通而自然有節濛曰劉君知我勝我自

知當時稱風流者以惔濛為首述性沉靜每坐客辯

風流以惔濛為首

論蠡起而述處之恬如也年三十尚未知名人謂之

癡導以門地辟之述承之子承既見唯問江東米價

王述不答米價

述張目不答導曰王掾不癡導每發言一坐莫不贊

美述正色曰人非堯舜何得每事盡善導改容謝之

綱秋九月趙遷都鄴今河南彰德府臨漳縣舊都襄國見上九**綱**趙聽其

晉成帝

趙石虎聽其民事佛

民事佛

書本胡俗也趙之有此宜矣而漢

目初趙主

勒以天竺

見二卷二

僧佛圖

虜複姓

澄

名

豫言成敗數

朔

有驗敬事之及虎卽位奉之尤謹詔中書曰佛國家

所奉里閭小人無爵秩者應得事不著作郎王度等

王度諫事佛

議曰王者祭祀典禮具存佛外國之神非天子所應

祠也今且禁公卿以下毋得詣寺燒香禮拜其趙人

爲沙門

見同

者皆返初服虎詔曰朕生自邊鄙忝君

諸夏至於饗祀應從本俗其夷趙百姓樂事佛者特

聽之

綱

冬十月代王紇那復入翳槐奔趙

綱張駿

趙涼

張氏四世
忠晉

州遣使上疏請北伐晉書張氏四世忠晉

初張軌

見上卷三

及寔

見上卷十二

茂

見上卷二十二

據河右軍旅

之事無歲無之及駿

見上卷三十

嗣位境內漸平駿勤脩

庶政總御文武咸得其用民富兵強遠近稱為賢君

駿遣使上疏以為勒

石雄李勒

既死虎

石期李

繼逆元

老消落後生不識慕戀之心日遠日忘乞敕司空鑒

征西亮

亮

等汎舟江沔

勉口沔水在湖廣漢陽府

首尾齊舉

綱丙申二年

趙建武二年

春正月

彗星

見五卷十三

見現奎婁

綱二月立皇后杜氏

杜預孫女

晉成帝

十

綱丁酉三年

趙建武三年

春正月趙王虎稱趙天王秋

慕容皝稱燕王

七月慕容皝

兄上

自稱燕王綱趙納代王翳槐于代

紇那奔燕

綱戊戌四年

趙建武四年。成改號漢中宗李壽漢興元年。代高祖什翼犍建國元年。

舊大國一漢涼小國二新小國一凡四僭國

夏四月成李壽弑其主期而

自立改國號漢綱五月以司徒導為太傅都督中外

成改號漢

諸軍事郗鑒為太尉庾亮為司空六月更以導為丞

相罷司徒官目是時亮雖居外鎮

見上而遙執朝權

既據上流擁彊兵趣

趨

勢者多歸之導內不能平嘗

士舉扇蔽塵

遇西風塵起舉扇自蔽徐曰元規塵汚人綱冬

十月光祿動顏含致仕目顏含以老遜位時論者以

王導帝之師傅百僚宜為降禮太常馮懷以問含含

曰王公雖貴重禮無偏敬降禮之言或是諸君事宜

鄙人老矣不識時務既而告人曰吾聞伐國不問仁

人見十三卷七向馮祖思馮懷字問佞於我我豈有邪德乎

郭璞嘗欲為之筮含曰年在天位在人脩已而天不

與者命也守道而人不知者性也自有性命無勞著

龜致仕二十餘年年九十三而卒綱代王翳槐卒弟

顏舍憂同佞
顏舍却筮

什翼犍

見上卷二四

立目代自猗盧

見上卷十三

卒國多內難

部落離散什翼犍雄勇有智略能脩祖業百姓安之

有衆數十萬人

綱已亥五年

趙建武五年

秋七月丞相始興

今廣東韶州府曲江縣

公王導卒以何充爲護軍將軍庾冰爲中書監揚州

刺史參錄尚書事**目**導簡素寡欲輔相三世倉無儲

穀衣不重帛初導與庾亮共薦丹陽

見上八

尹何充於

帝及導薨徵庾亮爲左相亮固辭遂以充及亮弟冰

參錄尚書事冰經綸時務不舍晝夜賓禮朝賢升擢

良臣如猛虎

後進。由是朝野翕然稱為賢相。**[綱]**八月改丞相為司

徒。**[綱]**太尉南昌今江西南昌府南昌縣公邈鑒卒。以蔡謨都督

徐兗軍事。**[目]**鑒疾篤。上疏薦太常蔡謨。平簡貞正素

望所歸。可為徐州。見上鑒薨。即以謨代之。**[綱]**九月趙

以李巨為御史中丞。**[目]**趙王虎患貴戚豪恣。乃擢巨

為中丞。中外肅然。虎曰。朕聞良臣如猛虎。高步曠野。

而豺狼避路。信哉。

[綱]庚子。六年。趙建武六年春正月。司空庾亮卒。以何充為

中書令。庾翼都督江荆等軍州事。有星孛于太微。

綱三月代始都雲中今山西大同府

綱辛丑七年趙建武七年春正月燕築龍城。目燕築城於

柳城故城在直隸永平府西之北龍山亦在永平府西之西立宗廟宮

闕命曰龍城。綱二月封慕容皝為燕王。三月皇后

杜氏崩。夏四月葬恭皇后

綱壬寅八年趙建武八年春正月朔日食。綱夏六月帝崩

琅邪王岳即位。目帝不豫。二子丕。奕。皆在襁姜上襁聲

庾冰恐易世之後親屬愈疎為人所閒諫請以母弟

琅邪今山東青州府王岳為嗣。帝許之。中書令何充曰。父子

何充諫立琅邪

相傳先王舊典。且今將如孺子何。冰不聽。帝乃詔冰

充及武陵

今湖廣常德府

王晞會稽

今浙江紹興府

王昱

欲

尚書令

諸葛恢並受顧命

見三卷七

而崩。琅邪王卽位。亮陰庵不

言。委政於冰。充

綱

封成帝子丕爲琅邪王。奕爲東海

今江南淮安府海州

王

綱

秋七月葬興平陵

在江寧府上元縣

以何充

都督徐州軍事

綱

冬十月燕遷都龍城

綱

十二月立

皇后褚氏

目

時徵后父豫章

今江西南昌府

太守褚裒爲侍

中。裒以后父不願居中任事。乃除江州刺史。鎮牛洲。

城名在江西九江府城西

周益少口承

卷七

晉康帝

十六

康皇帝

名岳成帝同母弟初封琅邪王成帝臨崩立以為嗣在位二年壽二十二歲而崩諡法溫

柔好樂曰康

詔議經略中原

綱癸卯康皇帝建元元年趙建武九年酉七月詔議經略

中原庾翼表遣梁州

今陝西漢中府刺史蕭宣伐趙

翼為

人慷慨喜功名不尚浮華琅邪內史桓溫葬之子也

尚南康

今江西贛州府

公主

成帝女

豪爽有風槩翼與之友善

庾翼薦桓溫

嘗薦於成帝曰溫有英雄之才願勿以常壻畜之宜

委以方面之任必有弘濟之勳時杜乂殷浩並才名

冠貫

世翼獨弗之重也曰此輩宜束之高閣俟天下

此輩宜束之高閣

太平然後徐議其任耳。浩累辭徵辟。

辟。朝廷召曰。徵郡國舉曰。辟。

屏

丙

居十年時人擬之管葛。

管仲諸葛亮。

謝尚王濛嘗同

其出處。以上江左興亡嘗相與省。

醒

之知浩有確然

之志既退相謂曰深源。

殷浩字。

不起當如蒼生何。翼請

浩為司馬。詔除侍中。安西軍司浩不應。翼遺

去聲。之書

曰。王夷甫

王衍字。

立名非真。雖云談道。實長華競。明德

君子。遇會處際。寧可然乎。

翼意謂殷浩不可如王衍。

浩猶不起。翼

以滅趙

石虎。

取蜀

李壽。

為已任。遣使約燕

慕容皝。

涼

張駿。

刻期

大舉。朝議多以為難。至是詔議經略。中原翼欲悉衆

北伐表桓宣督諸軍趣

趨

丹水

漢縣故城在河南南陽府內鄉縣

桓

溫為前鋒小督帥眾入臨淮

今江南鳳陽府昨貽縣

綱漢主壽

卒太子勢立庾翼移鎮襄陽詔以翼都督征討軍

事庾冰都督荆江等州軍事徵何充為揚州刺史錄

尚書事

綱甲辰二年

趙建武十年口漢主李勢太和元年

春正月桓宣及趙兵

戰于丹水敗績

宣怒憤而卒庾翼遣子方之代領其眾

綱秋九月帝崩

太子明

眈

即位尊皇后曰皇太后太后臨朝稱制

各十月葬崇平陵

在江寧府上元縣

綱荆江都督庾冰卒翼

還鎮夏口

在湖廣武昌府荆江之中

孝宗穆皇帝

名聃康帝太子即位方三歲在位十七年壽十九歲而崩諡法布德執義曰穆

綱乙巳孝宗穆皇帝永和元年

趙建武十一年燕王慕容皝十二年

舊太國一漢涼代小國三新小國一凡五僭國

春正月以會稽王昱為撫軍

大將軍錄尚書六條事

綱二龍見

現于燕之龍山

燕有黑白二龍見於龍山

見上交首遊戲解角而去

燕王皝祀以太牢

牛日太牢

命所居新宮

見同上

曰和龍是

歲始不用晉年號自稱十二年

綱冬十月江州

今江西南

都督庾翼卒以桓溫都督荆

今湖廣荆州府

梁漢中府等

州軍事。翼病。表子方之爲荊州刺史。委以後任。及

卒。朝議以諸庾世在西藩。人情所安。欲從其請。何充

曰。荆楚國之西門。戶口百萬。北帶彊胡。西鄰勁蜀。得

人則中原可定。失人則社稷可憂。陸抗

見二九卷三十一

所謂

存則吳存。亡則吳亡者也。豈可以白面少年當之哉。

桓溫英略過人。有文武器幹。西夏之任。無出溫者。丹

陽

見上

尹劉惔

淡

每奇溫才。然知其有不臣之志。謂

會稽王昱曰。溫不可使居形勝之地。昱不聽。以溫代

翼。綱冬十二月。張駿自稱涼王。趙以姚弋仲爲

貫軍大將軍

[綱]丙午二年。趙建武十二年。漢嘉寧元年。春正月揚州刺史都鄉

故城在直隸順天府涿州侯何充卒。**[綱]**二月以光祿大夫蔡謨領

司徒。**[綱]**三月以顧和爲尚書令殷浩爲揚州刺史自

褚裒薦顧和殷浩詔以和爲尚書令浩爲揚州刺史

和有母喪固辭不起謂所親曰古人有釋衰經從王

事者以其才足幹時故也如和者正足以虧孝道傷

風俗耳浩亦固辭會稽王昱與浩書曰足下去就卽

時之廢興也家國不異宜深思之浩乃就職

殷浩就職

殷浩以退
為進

致堂胡氏曰：虛偽之人，惡人知其情。今深源累辭微辟，以養聲譽，謝尚主濠，褚裒、司馬昱皆不能鉤深燭隱，而崇獎之，不知深源世味實重，矯迹遠引，以退為進者也。惟庾翼知之，辟為軍司而遣之，書曰：「王夷甫立名非真，實長華、鯨君子遇會，寧可如此？」此深中浩之匿矣。浩是以不出，庾翼何充既卒，浩名愈重，於是褚裒辟之，其官愈高，而無譏刺之者。司馬昱勸諭之言，又加尊焉。浩於是于然而來矣。

綱夏五月涼王張駿卒，世子重華立。綱冬十一月桓

溫帥師伐漢。書拜表順也，不待報而即行，則專也。綱

之戒深切矣。桓溫將伐漢，將佐皆以為不可。江夏今湖廣武

昌相袁喬曰：夫經略大事，固非常情所及。智者了於

劉惔料桓溫

曾中不必待衆言皆合也李勢無道臣民不附且恃其險遠不脩戰備宜以精兵萬人輕齎疾趨比其覺之我已出其險要可一戰擒也溫拜表即行委長史范汪以留事朝廷以蜀道險遠溫衆少而深入皆以爲憂惟劉惔以爲必克或問其故惔曰以博見六卷三二知之溫善博者也不必得則不爲但恐克蜀之後專制朝廷耳

綱丁未三年

趙建武十三年。是歲漢亡。大一小三。凡四僭國。

春三月桓溫

敗漢兵于笮

昨

橋進至成都漢主勢降詔以爲歸義

周監易中錄

卷三二

晉穆帝

二十

侯曰溫自將步卒直指成都

漢都今四川成都府

李勢悉眾出

戰於笮橋

笮竹索也以竹篋為橋面以笮為之在成都府城西

袁喬拔劍督士

卒力戰遂大破之溫乘勝長驅至成都縱火燒其城

門漢人惶懼無復鬪志勢輿櫬面縛

見二九卷八

詣軍門

溫送勢於建康振旅

見二十四卷十四

還江陵

今湖廣荊州府江陵縣

詔

封勢歸義侯

漢亡

綱戊申四年

趙建武十四年

秋八月加桓溫征西大將軍

朝廷論平蜀之功加溫征西大將軍封臨賀

今廣西平樂府

縣賀郡公溫既滅蜀威名大振朝廷憚之會稽王昱以

會稽王引
殷浩以抗
桓溫

殷浩有盛名朝野推服乃引為心膂與參綜朝權欲

以抗溫由是與溫寢晉相疑或浩以王羲之王導子為

護軍將軍義之以為內外協和然後國家可安勸浩

不宜與溫構隙浩不從綱九月燕王皝卒世子儁立

綱趙立子世石虎少子劉昭儀所生為太子

綱已酉五年趙太寧元年春正月趙王虎稱皇帝夏四

月趙主虎卒太子世立其兄遵弑之及其太后劉氏

而自立綱蒲洪遣使來降目石閔言於趙主遵曰蒲

洪人傑也今鎮關中今陝西西安府恐秦今陝西鞏昌府雍即西

之地。非復國家之有。宜改圖之。遵從之。罷洪都督洪

怒。歸枋頭。地名在直隸大名府濬縣。成帝咸和八年。趙石虎以蒲洪為龍驤將軍。流民都督居

枋頭。遣使來降。綱燕以慕容恪為輔國將軍。綱秋七月

征討都督褚裒率師伐趙。不克而還。發恢復與兼并。明異兼并謂之

貪兵恢復謂之義兵。晉失中原。子孫有能為恢復之計者。皆當予之。故前書桓宣及趙戰于丹水。敗績。此

書褚裒率師伐趙。不克而還。皆無貶詞。一以存中國之體。二以仙義士之氣。三以示不忘讎恥之心。其與

春秋書乾時之戰。雖敗亦榮者。晉乾時八字見。月征

同意

乾時之戰

與春秋書

北大將軍褚裒上表請伐趙。加裒征討大都督。裒帥

眾三萬。徑赴彭城。今江南徐州。北方上民降附者日以千

計朝野皆以中原指期可復蔡謨獨謂所親曰趙滅

誠爲大慶然恐更貽朝廷之憂其人曰何謂也謨曰

夫能順天乘時濟羣生於艱難者非上聖與英雄不

能爲也白餘則莫若度

鐸

德量力觀今日之事殆非

時賢所及必將經營分

去聲

表

分量

之外疲民以逞旣而材

略疎短不能副心財殫力竭智勇俱困安得不憂及

朝廷乎魯郡

今山東兗州府

民五百餘家起兵附晉求援於

裒裒遣部將王龕

堪

將卒迎之與趙將李農戰於代

陂

陂口質實云未詳處所

敗沒不還裒退屯廣陵

今江南揚州府

還鎮

京口

今江南鎮江府

解征討都督

綱

九月

張重華自稱涼王

冬十一月趙石鑒弒其主遵而自立**綱**秦雍流民

立蒲洪為主

目

秦雍

見

流民

相帥

西歸

路由枋頭

見

上

共推蒲洪為主衆至十餘萬**綱**十二月徐克都督楮

裒卒以荀羨監徐克軍事

綱庚戌六年

趙王石祗永寧元年

○魏主冉閔求興

元年○舊大國一涼代燕小國三新大

國一

秦閏正月

趙石閔殺鑒而自立

改國號魏

目

五僭國

本姓冉

石閔

以爲子

李農廢鑒殺之

并殺趙主虎三十

八孫

盡滅石氏

司徒申鍾等上尊號於閔

閔以讓農

石氏

趙石閔改號魏

石氏

農固辭閔曰吾屬改晉人也請與諸君分割州郡各

稱牧守公侯奉迎天子還都洛陽何如尚書胡睦曰

陛下聖德應天宜登大位晉氏衰微遠竄江表豈能

總馭英雄混一四海乎閔曰尚書可謂識機知命矣

乃即皇帝位國號大魏綱以殷浩督揚豫等州綱蒲

洪自稱三秦即關中也王改姓苻扶。洪以識文有

堅昔有草付綱二月燕王儁擊趙拔薊計。今順天

城徙都之綱魏主閔復姓冉氏故趙將麻秋殺苻

洪子健斬秋遣使來請命綱趙石祗稱帝於襄國

苻洪改姓

冉閔復姓

見上
綱夏五月杜洪據長安今陝西西安府長安縣苻健擊敗

之綱魏主閔徵故散騎常侍辛謐密為太常謐不食

而卒目故晉散騎常侍隴西今陝西臨洮府辛謐有高名歷

劉石劉淵之世徵辟見上皆不就魏主閔備禮徵為

太常謐遺去聲閱書以為物極則反致至則危周赧王四十三

年楚黃歇二書秦王曰臣聞物至則反冬夏是也君王

功已成矣宜因茲大捷歸身晉朝必有由夷許由伯夷之

廉享喬松王喬赤松子之壽矣因不食而卒綱冬十一月

苻健入長安遣使來獻捷綱十二月免蔡謨為庶人

目謨除司徒

求和四年冬以蔡謨為司徒謨固讓不拜

三年不就

職

屢下終不變。於是帝臨軒遣侍中黃門徵之。謨陳疾

篤。白旦至申。使者十餘返。公卿奏謨傲違上命。請送

廷尉。謨懼。帥子弟素服詣闕稽

啓

顙待罪。詔免謨為

庶人。

綱辛亥七年

趙求寧二魏求興二年。秦主苻健皇始元年。是歲趙亡。舊大國一涼代燕

小國三新大國一凡五偕國

春正月苻健自稱秦天王

夏四月

趙劉顯

趙將

弑其主祗而自立

趙亡

綱秋八月姚弋仲遣

使來降

綱冬

十二月桓溫移軍武昌尋復還鎮

書

移

桓溫移軍武昌

綱監易知錄

卷三二晉穆帝

二

軍何罪溫也。繼書尋復還鎮而桓溫之情得矣。故曰綱目脩而亂臣賊子懼。

臣初桓溫請

經略中原事久不報。知朝廷仗殷浩以抗己。見上甚

忿之。然素知浩之為入。亦不之憚。以國無他釁。遂得

相持彌年。雖有君臣之跡。羈縻見十八而已。屢求北

伐不聽。至是拜表。輒行。帥眾四五萬。順流而下。軍於

武昌。今湖廣武昌府朝廷大懼。浩欲去位。以避溫。吏部尚書

王彪之謂浩曰。彼若抗表問罪。卿為之首。欲作匹夫。

豈有全地邪。且當靜以待之。令平聲相王會稽王昱手書為

陳成敗。彼必旋師。若不從。乃當以正義相裁。奈何無

王彪之謂
殷浩

故忽忽先自猖獗乎。浩曰。決大事正自難。頃日來欲使人悶聞卿此謀。意始得了。撫軍司馬高崧為昱草書曰。寇難宜平。時會宜接。此實為國遠圖。經略大算。然異常之舉。眾之所駭。苟或望風振擾。一時崩散。則望外實事實並喪社稷之事去矣。吾與足下雖職有內外。安社稷保家國。其致一也。當先思寧國而後圖其外。溫即上疏惶恐致謝。回軍還鎮。

綱 壬子八年

魏末興三秦皇始二年。燕主慕容儁元璽元年。是歲魏亡。大。二。小。二。凡四

僭 春正月朔日食

秦王健稱皇帝

綱 魏克襄國

見上

秦符健稱帝

二殺劉顯遷其民於鄴。見上三月姚弋仲卒。子襄

率衆來歸。詔屯譙城。今江南鳳陽府亳州夏四月燕慕容恪

等擊魏大破之。執其王閔以歸殺之。魏綱秋九月殷

浩進屯泗口。目浩之北伐也。中軍將軍王羲之以書

止之不聽。既而無功復謀再舉。是年正月浩上疏請

謝尚等敗績浩自許昌退屯壽春許卽許昌今河南

開封府許州洛今河南河南府洛陽縣壽春今江南

鳳陽府義之遺去浩書曰。今以區區江左天下寒心

固已久矣。力爭武功非所當作。莫若還保長江。督將

各復舊鎮。引咎責歸。更爲善治。省其賦役。與民更始。

殷浩北伐

王羲之遺
殷浩書

王羲之與
會稽王牋

庶可以救倒懸之急也。又與會稽王昱牋曰：功不可

期。遺黎殲盡，以區區吳越經緯天下十分之九，不亡

何待？而不度德量力，不弊不已，此封內所痛心歎悼

者也。浩不從進屯泗口。泗水之口，泗水源出山東兗州府泗水縣至江南徐州東。

罷遣太學生徒南人。綱罷遣太學生徒。發文德者，帝王之利器，威武

以講藝矣。未聞廢學以從戎者也。殷浩虛名誤國，處

非其任，今乃以軍興之故，至於罷遣太學生徒，然朝

論亦無有非之者，直且浩以軍興罷遣太學生徒，學

校由此遂廢。綱冬十一月，燕王儁稱皇帝。燕慕容儁稱帝。

綱癸丑九年。秦皇始三燕元璽二年。秋七月，殷浩遣兵襲姚襄。

不克冬十月遂率諸軍北伐襄邀敗之浩走譙城明

去春方書姚襄率衆來歸詔屯譙城未聞有反側之意殷浩乃無故遣兵襲之既不能克又復使之前驅是驅之使叛也浩之所爲乖謬若此乃欲經略中原其敗宜矣綱目據事直書所以著浩之失不然襄既歸朝而又邀敗王師則必以反書之矣

姚襄屯歷陽今江南和州浩惡其

彊盛屢遣刺客刺之客皆以情告襄浩潛遣將軍魏

憬帥衆五千襲之襄斬憬并其衆浩愈惡之冬浩自

壽春見上帥衆七萬北伐欲進據洛陽見同上脩復園

陵以襄爲前驅襄度鐸浩將至僞遁而陰伏甲以邀

之浩追至山桑今江南鳳陽府蒙城縣襄縱兵擊之浩大敗走

殷浩山桑之敗

保譙城見綱十一月西平公張重華卒子曜靈立方

歲綱十二月姚襄徙屯盱盱眙。今鳳陽府盱眙縣。綱涼州

見上卷廢其主曜靈立張祚為涼公

涼張祚稱王綱甲寅十年秦皇始四燕元璽三年。春正月張祚自

殷浩以罪免為庶人稱涼王綱殷浩以罪免為庶人徙信安以王述為揚

州刺史書庚翼格。襄皆北伐無成者也。綱目無責焉。浩則為以罪書襲姚襄以取敗。浩之罪也。故雖桓溫疏請不書。綱浩連年北伐師徒屢敗糧械都盡桓

溫因朝野之怨上疏請廢之朝廷不得已免浩為庶

人徙之信安今浙江衢州府西安縣。自此內外大權一歸於溫

綱監少司條卷二十二晉穆帝二二

作咄咄怪
事字

矣。浩少與溫齊名而心競不相下。溫嘗輕之。浩既廢

黜。雖愁怨不形辭色。常書空作咄咄。教入聲。驚怪聲。怪事

字。久之。溫謂掾硯郗超曰。浩有德有言。嚮為令。尚書

僕僕射足以儀刑百揆。朝廷用違其才耳。將以浩為尚

書令。以書告之。浩欣然許焉。將答書。慮有謬誤。開閉

者十數。竟達空函。溫大怒。由是遂絕。卒於徙所。綱二

月。桓溫帥師伐秦。書嘗書桓溫帥師伐秦罪專也。故後

雖一書其功而專行之罪則不可綱姚襄叛降於燕

綱夏四月。桓溫大敗秦兵于藍田。進軍灞上。三輔皆

桓溫藍田之捷

降。目桓溫別將攻上洛。今陝西西安府洛南縣進擊青泥。即此

西安府藍田縣東南破之。秦主健遣太子萇長等帥眾五萬拒

溫。戰于藍田。秦兵大敗。溫轉戰而前進至霸上。霸水之上

在西安府城東萇等退屯城南三輔。見三十二卷郡縣皆來降。溫

撫諭居民。使安堵。言安然如堵不驚動也復業。民爭持牛酒迎

勞男女夾路觀之。耆老有垂泣者。曰：「不圖今日復覩

官軍。」綱五月桓溫及秦兵戰不利。六月師還。目北海

今山東青州府王猛少好學。倜儻有大志。不屑細務。人皆

輕之。猛悠然自得。隱居華陰。今西安府華陰縣聞溫入關。關中

捫談當世之務

利金步矢金

卷三十一

二十八

即西安府披褐詣之捫門強瑟而談當世之務旁若無人

溫異之問曰吾奉天子之命將銳冒兵十萬為百姓

除殘賊而三秦

見上二三

豪傑未有至者何也猛曰公不

遠數千里深入敵境今長安

今西安府長安縣

咫尺而不度

灞水

見上

百姓未知公心所以不至溫默然無以應徐

曰江東無卿比也乃署猛軍諮祭酒溫與秦丞相雄

等戰于白鹿原

在藍田縣西

溫兵不利死者萬餘人初溫

指秦麥以為糧既而秦人悉芟

刈也

麥溫軍乏食徙

關中

見上

三千餘戶而歸欲與猛俱還猛辭不就綱秦

捫談白鹿之戰

東海王苻雄卒。秦主健弟東海王雄卒。健哭之嘔

血曰：天不欲吾平四海耶？何奪吾元才？苻雄字之遠也。

子堅襲爵。堅性至孝，幼有志度，博學多能，交結英豪。

綱乙卯十一年秦主苻生壽光元燕元夏秦立子生

為太子秦太子苻拒桓溫**綱**姚襄據許昌今河南開

襄所部多勸北**綱**六月秦王健卒太子生立秋

九月涼州弑其君祚立張玄靚靜為涼王

綱丙辰十二年秦壽光二燕春正月以桓溫為征討

大都督督諸軍討姚襄**綱**秋八月桓溫敗姚襄于伊

桓溫敗姚襄于伊水

水。出河南河南府陝州熊耳山東北至洛陽縣南北入于洛。遂入洛陽。脩謁諸陵。

置戍。怨而還。綱襄北走據襄陵。今山西平陽府襄陵縣

太白入東

綱丁巳升平元年。秦主苻堅永興元年燕光壽元年春二月太白入東

井。綱秦有司奏太白罰星東井。秦分必有暴兵起京

師。秦主生曰太白入井。自為渴耳。何足怪乎。綱夏四

月姚襄據黃落。質實云地名未詳處所秦遣兵擊斬之弟萇。長

秦苻堅
立為天王

以眾降秦。綱六月秦苻堅弑其君生自立為天王。綱

生飲酒無晝夜。乘醉多所殺戮。羣臣得保一日如度

十年。東海王堅素有時譽。與故姚襄參軍薛讚權翼

君堅得王
猛

善讚翼密說堅宜早爲計勿使他姓得之堅以問尚
書呂婆樓婆樓曰僕里舍有王猛者其人謀略不世
出宜請而咨之堅因婆樓以招孟一見如舊友語及
時事堅大悅自謂如玄德之遇孔明也堅與呂婆樓
帥麾下三百人鼓譟而進宿衛將士皆舍仗歸堅生
猶醉寐堅兵殺之堅去帝號稱大秦天王左僕射夜
李威知王猛之賢常勸堅以國事任之堅謂猛曰李
公知君猶鮑叔牙之知管仲也猛以兄事之綱秋八
月立皇后何氏故散騎侍郎準之女綱冬十一月燕徙都鄴今河

南彰德府臨漳縣舊都薊見上二三綱秦以王猛為商書左丞回秦王

堅行至尚書以文案不治免左丞程卓官以王猛代

之舉異才脩廢職課農桑恤困窮禮百神立學校旌

節義繼絕世秦民大悅

綱戊午二年秦末興二燕光壽二年秋八月以謝萬監司今河

南豫府今開封等州軍事回會稽王昱欲以桓溫弟雲

為豫州刺史僕射王彪之曰溫居上流溫鎮江陵今湖廣荊州府

已割天下之半其弟復處西藩兵權萃於一門非深

根固帶帝之宜也昱乃以謝萬代之王羲之與

王猛治秦

王彪之諫
任桓雲

世
待堅殺樊

溫賤曰謝萬才流經通使主廊廟固是後來之秀今

以之俯順荒餘則違才易務矣又遺去聲萬書曰以君

邁往不屑之韻而俯同羣辟羣寮百辟誠難為意也然所

謂通識正當隨事行藏耳願君每與士卒之下者同

甘共苦則盡善矣萬不能用綱秦大旱目秦王堅滅

膳徹輒樂命后妃以下悉去羅紈完開山澤之利息

兵養民旱不為災綱秦殺其特進見十七卷三一樊世書書殺

何甚秦也樊世之死世稱任賢不貳者或取焉綱目以殺書之所以存勳舊也目王猛日親

幸用事勳舊多疾之樊世本氏豪佐秦主健定關中

後燕世祖
慕容垂

謂猛曰吾輩耕之君食之邪猛曰非徒使君耕之又將使君炊之世大怒曰要當懸汝頭於長安城門不然吾不處世猛以白堅堅曰必殺此老氏然後百寮可肅會世入言事與猛爭論於堅前欲起擊猛堅怒斬之於是羣臣見猛皆屏_丙息_綱冬燕使慕容垂守遼東

_綱庚申四年

_{秦甘露二燕幽帝慕容暉建熙元年}

春正月燕主僞卒大

子暉_委立_綱二月

燕以慕容恪為太宰專錄朝政_綱

朝廷初聞僞卒皆以為中原可圖桓溫曰慕容恪尚

桓溫意

在憂方大耳

綱

三月燕遣慕容垂

字高堂

地名在河南歸德府

州睢**綱**秋八月朔日食既

書食既大變也漢惠之末五

是八月食既明年而有其應者免者其惟漢明帝乎註見十

十有二月未有無其應者免者其惟漢明帝乎註見十

一卷五明帝見

綱

桓溫以謝安為征西司馬

目安少

有重名前後徵辟

見上

皆不就寓居會

精

今浙江

以山水文籍自娛

魚

雖為布衣時人皆以公輔期之

士大夫至相謂曰安石

謝安

不出當如蒼生何安每

遊東山

在紹興府上虞縣西南

常以妓女自隨會稽王昱聞之

曰安石既與人同樂必不得不與人同憂召之必至

安石出處

安妻劉惔

見上十八

之妹也。見家門貴盛而安獨靜退謂

丈夫不如此也。安掩鼻曰恐不免耳。年四十餘桓溫

請為司馬。安乃赴召溫深禮重之。

綱辛酉五年

秦甘露三燕建熙二年是歲涼奉升平之號

夏五月帝崩琅

邪王丕

見上十六

即位

綱秋

七月葬永平陵

在江寧府上元縣

綱

九月立皇后王氏

漢之

綱尊何皇后為穆皇后

綱冬

十月秦舉四科

綱秦王堅命牧伯守宰各舉孝悌廉

直文學政事察其所舉得人者賞之非其人者罪之

由是人莫敢妄舉而請託不行士皆自勵

終

秦舉四科

謝安掩鼻

尺木堂綱鑑易知錄卷三三

周之炯靜專

通鑑綱目定本

山陰吳乘權楚材同輯

周之燦星若

東晉紀

哀皇帝

名不。成帝長十。初封琅邪王。穆帝崩無嗣。大臣迎立之。在位四年。壽二十五歲而崩。諡法

早孤短折曰哀。

綱王戌哀皇帝隆和元年

秦甘露四。燕建熙三年。

春二月燕呂

護攻洛陽桓溫遣兵救之。秋七月燕師引還。呂護

攻洛陽

見上卷二十九

守將陳祐告急桓溫遣庾希

徐克亮刺史

陵

今湖廣安陸府

太守鄧遐帥舟師三千人助祐守之因上

疏請遷都洛陽自永嘉

懷帝年號

之亂播流江表者一切

砌

北徙以實河南朝廷畏溫不敢為異著作郎孫綽

孫綽諫湯都

上疏曰昔中宗

元龍飛

即位於建康

非惟信順協於天人

實賴萬里長江畫而守之耳喪亂已來六十餘年河

洛

黃河洛水俱指洛陽

丘墟函夏

猶言中夏

蕭條士民播流江表已

經數世存者老子長孫亡者丘隴成行

枕雖北風之

思

北風詩擲風篇名其二章曰北風其

感其素心自

階雨雪其霏惠而好我攜手同歸

前之哀實為交切。溫今此舉誠為遠圖。而者豈不以反舊之樂。除者而趨死之憂。促者

以為宜遣將帥有威名資實資財者先鎮洛陽。

涼張五許許昌時為清壹河南。運漕之路既通。關壘

之積已豐。豺狼遠竄。中夏小康。然後可徐議遷徙。

耳。奈何捨百勝之長理。舉天下而一擲哉。綽少慕高

尚。嘗著遂初賦以見志。溫見綽表不悅。曰。致意與公。

何不尋君
遂初賦

字孫綽何不尋仍君遂初賦。而知人家國事邪。時朝廷

憂懼。將遣侍中止溫。王述曰。溫欲以虛聲威朝廷耳。

王述料祖

王述論移鐘簾

非實事也。但從之。自無所至。詔從其計。溫果不行。溫

又議移洛陽鐘簾。見二十八述曰。永嘉不競。永嘉五年。懷帝為劉

聰所獲暫都江左。方當蕩平區宇。旋軫猶言舊京。若

不爾宜改。遷園陵。不應先事鐘簾。溫乃止。七月。護退

綱癸亥。興寧元年。秦甘露五年。燕建熙四年。夏五月。加桓溫大司

馬都督中外諸軍。錄尚書事。王坦之述之子為

長史。又以郗超為參軍。王珣荀之孫為主簿。每事必

與二人謀之。府中為去聲之語曰。髯參軍。短主簿。能令

髯參軍短主簿

平公喜。能令公怒。珣與謝玄安兄奕之子皆為溫掾。官屬

主述不為
虛讓

桓溫移鎮
姑孰

溫俱重之。白謝掾年四十必擁旄杖節。主掾當作黑

頭。公皆未易才也。**綱**涼張天錫弑其君玄靚而自立

綱甲子二年。秦甘露八年。燕建熙五年。涼西平悼公張天錫元年。夏五月。以王

述為尚書令。**目**述每受職不為虛讓。其所辭必於所

不受。及為尚書令。子坦之白述。故事當讓。述曰。汝謂

我不堪邪。曰。非也。但克讓自美事耳。述曰。既謂堪之。

何為復讓。人言汝勝我定不及也。

綱乙丑三年。秦建元元年。燕建熙六年。春正月。皇后王氏崩。**綱**大

司馬溫移鎮姑孰。今江南太平府。以弟豁監荆揚等州軍事。

書書移鎮書以

[綱]三月帝崩琅邪王奕即位**[目]**帝崩

無嗣皇太后詔以奕

哀帝弟

承大統

[綱]燕陷洛陽將軍

沈勁死節

沈勁死之**[目]**燕太宰恪及吳王垂共攻洛陽克之執

沈勁勁神氣自若恪將宥之將軍慕輿虔曰勁雖奇

士觀其志度終不為人用遂殺之**[綱]**葬安平陵

在江寧府

縣

[綱]秋七月立皇后庾氏

水之

帝奕

名奕哀帝同母弟初封琅邪王哀帝崩無嗣太后立之在位六年桓溫廢為海西公以太元十

一年薨

於吳

[綱]丙寅帝奕太和元年

秦建元二燕建熙七年

[法]書帝廢為海西公矣史以海

西公書此其書曰帝奕何奕即帝位六年矣不子溫
之得廢之也然則曷為名之孝武即位十四年而後
海西公以薨書既無帝諡不稱其名則將何稱此綱
目之變例也以為失國名之則過矣不可稱廢帝平
稱廢帝是予其廢之也綱夏五月皇后庾氏崩秋七月葬孝

皇后冬十月以會稽王昱為丞相錄尚書事加殊

禮目入朝不趨贊拜不名剡履上殿

綱丁卯二年秦建元三年燕建熙八年春二月燕太宰慕容恪卒

目恪疾病燕王暉親視之問以後事恪曰吳王垂文

武兼資管蕭之亞齊之管仲漢之蕭何若任以政國家可安不

然秦晉必有窺窬之計言終而卒

慕容垂管
蕭之亞

綱己巳四年秦建元五燕建熙十年夏四月大司馬溫帥師伐

燕秦人救之秋九月溫及燕人戰于枋頭不利而還

袁真以壽春叛降于燕發溫之此舉大敗奔還所喪明士卒甚多初非灞上之比

而亦止書不利者示王師之體存中國之義終不習以此而屈於彼且為後人經略之勸也其旨深矣註

灞上書不利見上卷二入官桓溫請與徐今江南充今山東刺史

郗愔鑒之子江州今江西刺史桓冲溫之弟豫州今開

州刺史袁真等伐燕夏帥步騎五萬發姑孰見上七月

溫至枋頭地名在直隸大名府審縣燕主暉遣樂嵩請救於秦許

賂虎牢關名在河南開封府汜水縣以西之地秦主堅遣苟池鄧

羌帥步騎二萬以救燕九月燕范陽今直隸順天府涿州王德

使慕容宙帥騎一千為前鋒與晉兵遇宙使二百騎

挑土戰見九卷一五分餘騎為三伏挑戰者兵未交

桓溫枋頭之敗

而走晉兵追之宙帥伏擊之晉兵死者甚衆溫戰數

朔不利糧儲復竭又聞秦兵將至奔還燕吳王垂帥

桓溫襄邑之敗

八千騎追之及於襄邑今河南歸德府睢州德先帥勁騎伏於

東澗水名在河南河南府盧氏縣北中與垂夾擊溫大破之斬首三

桓溫譙之敗

萬級秦苟池邀擊溫於譙今江南鳳陽府亳州又破之溫救散

卒屯於山陽今江南淮安府山陽縣深恥喪敗乃歸罪袁真秦

免為庶人。真不伏。表溫罪狀。朝廷不報。遂據壽春。鳳今

陽府叛降燕。**綱**燕遣郝密曷軌梁琛丑森如秦。**目**秦

燕既結好。去聲燕使郝曷梁琛相繼如秦。曷與王猛有

舊猛接以平生。問曷東方之事。曷知燕將亡。陰欲自

託。頗泄其實。琛至長安。秦都今陝西西安府長安縣秦王堅方故

於萬年。今而安府臨潼縣欲引見琛。琛曰。秦使至燕。燕之君

臣朝服備禮灑掃宮庭。然後敢見。今秦王欲野見之。

使臣不敢聞命。尚書郎辛勁謂琛曰。天子稱乘輿所

至。曰行在所。見下何常居之有。又春秋亦有過禮。遇者不亦

梁琛辭令

而會春秋隱公四年夏八及宋公遇于清胡傳春秋

書遇私為之約自於不期而遇者直欲簡其禮爾

何為不可乎琛曰子以四海為家故行曰乘輿止

曰行在今海四海之內赤縣神州辰派裂天光分曜

安得以是為言哉禮不期而見曰遇曲禮諸侯未及期相見曰遇

蓋因事權行其禮簡略豈平居容與豫容服而安豫也之所

為哉客使單行誠勢屈於主人然苟不以禮亦不敢

從也堅乃為去聲設行宮百僚陪位然後延之琛從去聲

兄奕為秦尚書郎堅使典客館琛於奕舍琛曰昔諸

葛瑾為吳聘蜀與諸葛亮惟公朝相見退無私面見

今使之即也安私室所不敢也奕數朔問琛東

兄弟本心
各有所在

事琛曰兄弟本心各有所在欲言其美恐非所欲聞

琛不肯
拜秦太子

欲言其惡又非使臣之所得論也堅使太子延琛相

見秦人欲使琛拜先諷之曰鄰國之君猶其君也鄰

國之儲君亦何以異乎琛曰天子之子尚不敢臣其

父之臣況他國之臣乎禮有往來情豈忘恭但恐降

屈為煩耳乃不果拜王猛勸堅畱琛堅不許綱冬十

一月燕慕容垂出奔秦秦以為冠賈軍將軍曰吳王

垂自襄邑見還鄴見上卷威名益振太傅評慕容忌

慕容垂奔秦

王猛請除慕容垂

之垂奏將士功賞皆抑而不行太后可猛足渾燕三

氏素惡垂與評謀誅之太宰恪之子楷及垂舅蘭建

知之以告垂垂乃與段夫人及令寶農隆垂四楷建

及郎中令高弼俱奔秦初秦王堅聞恪卒陰有圖燕

之志憚垂不敢發及聞垂至大喜郊迎執手曰天生

賢傑必相與共成大功此自然之數也要當與卿共

定天下然後還卿本邦世封幽州今直隸不亦美乎

堅復愛令及楷之才皆厚禮之王猛曰垂父子譬如

龍虎非可馴習也之物若借以風雲易乾卦雲從龍風從虎

將不可復制。不如早除之。堅曰。吾方收攬英雄。以清四海。奈何殺之。且其始來。吾已推誠納之矣。匹夫猶不棄言。況萬乘乎。乃以垂為冠軍將軍。**綱**秦遣王猛

討伐燕。十二月取洛陽。

明發方書慕容垂奔秦。即書秦遣王猛等伐燕。蓋秦久有

謀燕之心。而所忌者垂爾。今既去其所忌。則何憚而不發矣。然則一士止百萬之師。一賢制千里之難。非虛語也。燕有才不能用。棄**目**初燕人許割虎牢以西以資敵。雖臥不亡得乎。

賂秦

四見上

晉兵既退。燕人謂曰。行人失辭。有國有家

者。分災救患。理之常也。秦王堅大怒。遣猛及將軍梁

成。鄧羌帥步騎三萬伐之。攻洛陽。洛陽降。**綱**大司馬

相溫徙鎮廣陵

溫徙鎮廣陵。溫發徐兗見上州民築廣陵城在江

州府城徙鎮之時征役既頻加之疫癘死者十四五

孫盛作晉春秋

百姓嗟怨祕書監孫盛作晉春秋直書時事溫見之

怒謂盛子曰枋頭誠為失利見上何至乃如尊君所

言若此史遂行自是關君門戶事其子遽拜謝請改

之時盛年老家居性方嚴有軌度子孫雖班白待之

愈峻至是諸子號泣稽顙啓請為百口計盛大怒不

許諸子遂私改之

綱庚午五年秦建元六燕建熙十一年。是春正月

慕容令自秦奔燕曰王猛之發長安伐燕也請慕容令

王猛計去垂長

參其軍事以為鄉導將行造慕容垂飲酒從

容謂曰今當遠別卿何以贈我使我覩物思人垂脫

佩刀贈之猛至洛陽賂垂所親使詐為垂使去聲者謂

令曰吾父子來此以逃死也今王猛疾人如讎秦主

心亦難知聞東朝比來悔寤吾今還東汝可速發令

疑之躊躇終日又不可密覆乃奔燕軍猛表令反狀

垂懼而出走及藍田今陝西西安府藍田縣為追騎所獲秦王

堅勞聲之曰卿家國失和委身投朕賢子心不忘本

亦各其志然燕之將亡非令所能存惜其徒入虎口

耳且父子兄弟罪不相及卿何為過懼而狼狽前足無

附恨而行故人狎遠無惜者謂之狼狽如是乎待之如舊燕人以令叛

而復還疑為反間諫徙之沙城在龍城東北六百里龍城見上卷十五

司馬溫公曰敵國材臣來為己用進取之良資也慕容垂材高功盛無罪見疑窮困歸秦故秦

王堅禮之以收燕望親之以盡燕情寵之以傾燕衆信之以結燕心未為過矣猛何汲汲於殺

垂至乃為市井鬻賣之行有如嫉其寵而讒之者豈雅德君子所宜為哉

綱夏六月秦王猛督諸軍復伐燕綱秋八月秦克壺

關目王猛攻壺關今山西潞安府壺關縣燕主暉命太傅評將

中外精兵三十萬以拒之。畏猛不敢進。猛克壺關。所

申胤料燕
昭亡

過郡縣。皆望風降附。燕人大震。申胤燕司徒歎曰。鄴

見上卷。必亡矣。然越得歲星而吳伐之。卒受其禍。左

昭公三十二年夏。吳伐越。史墨曰。不及四十年。越其

有吳乎。越得歲而吳伐之。必受其凶。哀公二十二年

越果滅吳。今福德其國有福。故曰福德。在燕。秦雖得志

而燕之復建。不過一紀。十二年耳。九月。秦王猛入晉

陽。冬。十月。及燕慕容評戰于潞川。敗之。遂圍鄴。日猛

入晉陽。今山西太原府太原縣。評屯潞川。實實云地名。未詳處所。猛進兵與相持。遣將軍徐成覘。諂平去二聲。闕視也。燕軍期以日中

及昏而返猛將斬之鄧羌固請曰成羌部將也願與

效戰以贖罪猛弗許羌怒還營嚴鼓勒兵將攻猛猛

王猛曲宥徐成

赦之羌詣猛謝猛執其手曰吾試將軍耳將軍於郡

將尚爾況國家乎燕主暉趣促評使戰猛陳於渭源

王猛渭源誓師

質實云地名未詳處所而誓之曰王景略猛字受國厚恩任兼內

外今與諸君深入賊地當竭力致死有進無退共立

大功以報國家受爵明君之朝稱觴父母之室不亦

美乎眾皆踴躍破釜棄糧大呼競進猛望燕兵之衆

謂鄧羌曰今日非將軍不能破勍敵將軍勉之羌曰

王猛馭
羌

慕容恪古
之遺愛

若能以司隸見與者。公勿以為憂。猛曰。此非吾所及也。必以安定。今陝西平涼府太守萬戶侯相處。羌不悅而退。俄而兵交。猛召羌。羌寢弗應。猛馳就許之。羌乃大飲。帳中與張蚝次徐成等跨馬運矛。馳赴燕陳。出入數四。旁若無人。所殺傷數百。及日中。燕兵大敗。俘俘斬五萬餘人。乘勝追擊。所殺及降又十餘萬。評單騎走還鄴。見秦兵長驅圍鄴。號令嚴明。軍無私犯。法簡政寬。燕民各安其業。更耕相謂曰。不圖今日復見太原王。慕容恪也言見猛聞之。歎曰。慕容玄恭。恪字可謂

古之遺去聲愛矣。設太牢以祭之。十一月秦王堅入

鄴。執燕主暉。以王猛為冀州牧。都督關東六州軍事。

發堅能用猛師行有紀。是以上書入晉陽。此書入鄴。

明詞皆不費。而燕已舉矣。又能就用猛統六州。以安其眾。異於他滅國之後。多有反側。不安者。此堅之所。以獨盛於五胡也。

秦王堅留李

威輔太子。自帥精銳胃十萬赴鄴。見上卷燕主暉與

慕容評等奔龍城。見上卷堅入鄴宮。使將軍郭慶追

暉。及於高陽。今直隸保定府高陽縣執以詣堅。堅詰乞其不降

之狀。對曰。狐死首丘。去聲丘首頭向也。檀弓。狐死正丘首。

及死而猶正其首以向丘。不忘其本也。故以仁目之。欲歸死於先人墳墓耳。堅

晉帝奕

哀而釋之令還宮帥文武出降

燕評之敗也 曜疑梁

琛

見上

知秦謀收繫獄至是堅名釋之謂曰卿不能

宋琛不見
幾而作

見幾而作

見同

反為身禍可謂智乎對曰臣聞幾者

動之微吉凶之先見

現者也

易繫辭下傳知幾其神
乎幾者動之微吉凶之

先見者也君子見
幾而作不俟終日

如臣愚暗實所不及然為臣莫如

忠為子莫如孝是以烈士臨危不改見死不避以徇

君親彼知幾者心達安危身擇去就不顧家國臣雖

知之尚不忍為況非所及邪堅以猛為使持節都督

關東六州諸軍事冀州

州治即
在鄴

牧鎮鄴

見

十二月

秦遷故燕主時及鮮卑

慕容氏鮮卑也

四萬戶於長安

見上五

目猛表畱梁琛為主簿他日與僚屬宴語及燕吏猛

曰人心不同昔梁君專美本朝郝君微說國弊

見上五

參軍焉誕曰敢問取臣之道何先猛曰郝君知幾為

先誕曰然則明公賞丁公而誅季布

見上卷五

也猛大笑

秦封暉為新興

今山西太原府忻州

侯以評為給事中皇甫真

為奉車都尉燕故太史黃泓

弘

歎曰燕必中興其在

黃泓言燕必中興

吳王

慕容垂

平恨吾老不及見耳

太守簡文皇帝

名昱元帝少子初封會稽王桓溫廢帝奕迎立之在位二年壽五十三歲

而崩諡法平易不訾
日簡慈惠愛民日文

綱辛未太宗簡文皇帝咸安元年秦建元七年春正月犬

司馬溫拔壽春見上獲袁瑾真之子斬之綱秦徙關東

涼降秦

豪傑及雜夷十五萬戶于關中涼州張天錫稱藩

于秦綱冬十一月大司馬溫入朝廢帝為東海王迎

會稽王昱入即位綱溫恃其材略位望陰蓄不臣之

志嘗撫枕歎曰男子不能流芳百世亦當遺去聲臭萬

祖溫撫枕與戴

年溫欲先立功河朔河北也以收時望還受九錫見十八卷

二及枋頭之敗見上威名頓挫既克壽春謂郗超曰

九及枋頭之敗見上

郊趙說相
溫行伊霍
之事

足以雪朽頭之恥乎。曰：未也。久之，趙就溫宿中夜。

謂曰：明公不為伊霍之事。伊尹放太甲，霍光廢昌邑王。無以立大

威權，鎮壓四海。溫遂與定議，以帝素謹，無過而牀第

子易誣。第牀板也，謂淫亂之事，易以誣枉人。乃揚言：帝早有屢威疾陰

之疾，不能御婦人。嬖人朱靈寶等參侍內寢，三美人生三男

將移皇基。人莫能審其虛實。溫乃詣建康，諷褚太后

請廢帝而立會稽王昱，并作令草呈之。太后溫集百

官於朝堂。於是宣太后令廢帝為東海王。今江南淮安府海州。王

溫帥百官迎昱，即帝位。侍中謝安見溫遙拜，溫驚曰：

謝安是拜祖溫

安石卿何事乃爾安曰未有君拜於前臣揖於後溫

遂還姑孰

見上

秦王堅聞溫廢立謂羣臣曰溫前敗

漸上後敗枋頭

見上四發明

不能思愆自貶以謝百姓方

更廢君以自說

自為飾說

六十之叟舉動如此將何以容

怒其室而作色於父

於四海乎諺曰怒其室而作色於父

溫之謂矣

綱十

二月降封東海王為海西縣公大司馬溫奏廢放

之人不可以臨黎元東海王宜依昌邑故事

見二十五卷二十

太后詔封海西縣

質實云未詳處所

公溫威震內外帝雖處

尊位拱默而已帝美風儀善容止留心典籍凝塵滿

席湛讒去聲如也。雖神識恬暢然無濟世大略。謝安以

為惠帝之流。但清談差雌勝耳。郗超以溫故朝中皆

畏事之。謝安嘗與左衛將軍王坦之共詣超。日軒

謝安為甚日晚命忍須火也

未得前坦之欲去。安曰。獨不能為性命忍須臾

邪。

綱壬申二年秦建元八年夏四月遷海西公於吳縣今江

州府**綱**六月秦以王猛為丞相。苻融為冀州牧見上

綱秋七月帝崩。太子昌明即位。**綱**帝不豫。急召大司

馬溫入輔。溫辭不至。詔立望子昌明為皇太子。生十

王坦之要
詔改詔

王彪之定
備

年矣。遣詔溫依周公居攝故事。見三又曰：少子可輔者，輔之。如不可，君自取之。侍中王坦之持詔入於帝前，毀之。帝乃使改詔曰：家國事一稟大司馬。如諸葛武侯。諸葛亮王丞相。王導故事：是日帝崩，羣臣曰：當須大司馬處分。王彪之正色曰：天子崩，太子代立，大司馬何容得異朝議？乃定太子卽位。溫望簡文臨終禪位，不爾，便當居攝。旣不副所望，與弟沖書曰：遺詔使吾依武侯王公故事耳。疑王坦之謝安所爲，心銜。憾也。
之。綱八月，秦加王猛都督中外諸軍事。綱猛至長安。

十猛治秦

見上 五 復加都督中外諸軍事辭章三四上也 辭相 秦王

堅不許猛為相剛明清肅善惡者曰放黜尸素尸位素餐

顯拔幽滯勸課農桑練習軍旅官必當才刑必當罪

由是國富兵彊戰無不克秦國大治陽平今山東東昌府公

融苻融時為冀州牧嘗坐擅起學舍為有司所糾問申紹誰

可使者紹曰燕尚書郎高泰清辯有膽智可使也使

至長安見猛曰昔魯僖公以泮宮發頌諸侯之學鄉射之宮謂之

泮宮其東西南方有水形如半壁以其半於辟廡故

曰泮水而宮亦以名也魯僖公脩舉泮宮國人作泮

水之詩以美之見魯頌 齊宣王以稷下垂聲齊城有稷門談

泮宮發頌

稷下垂聲

說之士期會於稷下在山東青州府臨淄縣史記齊宣王喜文學遊說之士自如騶衍淳于髡田駢接干悔到環淵之徒皆賜列第爲上大夫不治而議論是以稷下學士復盛且數百于今陽平公

開建學宮乃煩有司舉劾明公懲勸如此下吏何所

逃罪乎猛曰是吾過也事遂釋猛因歎曰高子伯秦字

豈陽平所宜吏乎言於秦王堅以爲尚書郎固請還

州許之綱冬十月葬高平陵在江寧府上元縣

烈宗孝武皇帝名昌明簡文帝太子在位二十四年爲張貴妃所弑壽三十五歲諡法剛

強直理曰武

綱癸酉烈宗孝武皇帝寧康元年秦建元九年春二月大

司馬溫來朝發書大司馬溫來朝初無異詞而

象為如何邪曰桓溫來朝詔吏部尚書謝安侍中

吓可畏也哉曰桓溫來朝詔吏部尚書謝安侍中

坦之迎於新亭府城南時都下恟恟驚入欲誅

王謝因移晉祚坦之甚懼安神色不變曰晉祚存亡

決於此行溫既至百官拜於道側溫大陳兵衛延見

朝士坦之流汗沾衣倒執手版也安從容就席謂溫

曰安聞諸侯有道守在四隣明公何須壁後置人邪

溫笑曰正自不能不爾遂命撤之與安笑語移日

郗超臥帳中幕帳之中聽其言風動帳開安笑曰郗生可謂

王坦之倒執手版何須壁後置人

入幕莫之賓矣。古者出征以幕帳為府署故云時天子幼弱外有強

臣安與坦之盡忠輔衛卒安晉室三月溫有疾還姑

孰見上三。綱秋七月大司馬溫卒以桓沖都督揚豫江

州軍事。綱初溫疾篤諷朝廷求九錫。見上屢使人趣

之謝安主坦之故緩其事溫以世子熙才弱使沖領

其眾溫卒熙及弟濟謀殺沖沖徙之長沙。今湖廣稱

溫遺命以少子玄為嗣時方五歲襲封南郡。今湖廣

公沖既代溫居任盡忠王室或勸誅除時望沖不從

綱皇太后康帝緒臨朝攝政以王彪之為尚書令謝

桓沖鼎忠
王字

安為僕射。夜綱冬秦寇梁益陷之。秦王堅使王統

朱彤容出漢川。地名在陝西漢中府毛當徐成出劍門。開名在四川保

寧府師州以寇梁。即漢中府益今成都府梁州刺史楊亮拒之。戰

敗。彤遂拔漢中。徐成亦克劍門。楊安進攻梓潼。郡名今四

梓潼州太守周虓。孝子固守涪城。今成都府遣步騎送

母妻趣江陵。今荊州府彤邀而獲之。虓遂降。十一

月秦取二州。梁益也堅欲以周虓為尚書郎。虓曰蒙晉

厚恩。但老母見獲。失節於此。母子獲全。秦之惠也。雖

公侯之貴。不以為榮。遂不仕。綱以王坦之為中書令

周虓為母降秦

周虓降秦不仕

彗星見

新金易知錄

卷三

十七

領丹陽

見上

尹

綱彗星

見五卷

見

現

法

掃於是出尾箕

秦之兆

明矣綱目不書

所出者曰天

有警懼之心云爾

綱彗星出于

尾箕

東方

長十餘丈

經太微

天宮

掃東井

東井八星

自四月見及冬不滅

秦太史令張孟言

尾箕

燕分東

井秦分也

今彗起

尾箕而掃東井

十年之後

燕當滅

秦二十年之後

代

見上卷

當滅燕慕容氏布列朝廷

張孟言燕秦與滅

臣竊憂之宜翦其魁傑以消天變

堅不聽

綱甲戌二年

秦建元

春二月

以王坦之都督徐充等

州軍事詔謝安總中書

固安好聲律

替功之慘不廢

恭功不廢

恭功不廢

恭功不廢

恭功不廢

恭功不廢

恭功不廢

恭功不廢

恭功不廢

恭功不廢

恭功不廢

恭功不廢

恭功不廢

恭功不廢

絲竹士大夫效之遂以成俗坦之屢書苦諫曰天下

之寶當為天下惜之安不能從又嘗與王羲之登治

城本吳治鑄之地悠然遐想有高世之志羲之謂曰

夏禹勤土手足胼胼支。皮。堅厚也。文王王旰旰。日。晚也。食日

不暇給今四郊多壘軍壁也。宜思自效而虛談廢務浮

文妨要恐非當世所宜安曰秦任商鞅二世而亡豈

清言致患邪

綱乙亥三年秦建元十一年夏五月徐充都督藍田侯王坦

之卒**綱**以桓沖為徐州刺史謝安領揚州刺史王坦

和沖以揚州讓謝安

報德莫如

王猛願勿

以安素有重望以揚州讓之自求外出桓氏族黨莫

不苦諫沖處之澹然綱秋七月秦丞相清河今有隸

縣侯王猛卒。猛寢疾上疏曰臣聞報德莫如盡

言夫善作者不必善成善始者不必善終古先哲王

知功業之不易戰戰兢兢如臨深谷伏惟陛下追蹤

前聖天下幸甚堅覽之悲慟七月堅親至猛第視疾

訪以後事猛曰晉雖僻處江南然正朔相承上下安

和臣沒之後願勿以晉為圖鮮卑慕容氏西羌氏我之

仇敵終為人患宜漸除之言終而卒堅謂太子宏曰

天不欲使吾平一六合邪何奪吾景略王猛之速也

遂昌尹氏曰猛書官書爵書卒何原其心也猛負高世之資生亂離之世不得已而仕秦其心蓋慘慘然以中國生靈為念觀其臨終秦主訪以後事猛曰晉雖僻處江南然正朔相承上下安和臣沒之後願勿以晉為圖噫所謂正朔相承一言其深明華夷之分識順逆之理也與

綱八月立皇后王氏濛之**綱**九月以徐邈莫為中書

舍人

綱丙子大元元年秦建元十二年是春正月朔帝

冠貫太后歸政以謝安為中書監錄尚書事秋七

月秦遣兵擊涼州八月敗其兵涼將掌據死之張天

涼堂錄正

錫降涼亡綱冬十一月秦遣兵擊代敗之十二月代寔

殖君弒其君什翼犍見上卷十四秦討殺之遂分代為二

部代亡目匈奴劉衛辰為代所逼求救於秦秦王堅遣

行唐今直隸真定府行唐縣公洛鄧羌朱彤容等將兵擊之以

衛辰為鄉向導代王什翼犍使南部大人劉庫仁將

兵拒戰大敗什翼犍奔陰山在韃靼國之北聞秦兵稍退

復還雲中代都今山西大同府初什翼犍世子寔殂早卒寔子

珪尚幼慕容妃諸子皆長繼嗣未定庶長子寔君遂

殺諸弟并弒什翼犍秦兵趨雲中會部眾逃潰國中

魏道武帝拓跋珪

燕鳳說符
堅

大亂。珪母賀氏。

東部大人賀野子之女。

以珪走依賀納秦王堅。

召代長史燕鳳問代亂故。鳳具以對。堅曰：「天下之惡。」

一也。乃執寔君至長安。車裂。

見卷六。

堅欲遷珪於長

安。鳳固請曰：「代王遣孫冲幼，莫相統攝。庫仁勇而有

智，衛辰狡猾多變，皆不可獨任。宜分諸部爲二，令此

兩人統之。兩人素有深讎，而勢莫敢先發。俟其孫稍

長，立之。是陛下有存亡繼絕之德於代，使其子孫永

爲不侵不叛之臣。此安邊之良策也。堅從之。分代爲

二部。自河以東屬庫仁，自河以西屬衛辰，使統其衆。

劉虞仁奉
事拓跋珪

賀氏以珪依庫仁。庫仁招撫離散。恩信甚著。奉事拓跋珪。恩勤周備。不以廢興易意。常謂諸子曰。此兒有高天下之志。必能恢隆祖業。汝曹當謹遇之。

綱

丁丑二年

秦建元十三年

冬十月。以桓沖都督江荆等州

軍事。謝玄監江北軍事。時朝廷方以秦寇為憂。詔

求文武良將。可鎮禦北方者。謝安以兄子玄應詔。郊

超聞之。歎曰。安之明。乃能違眾舉親。玄之才。足以不

負所舉。眾咸以為不然。超曰。吾嘗與玄共在桓公。桓

府見其使

去聲

才。雖履屐

極

閒

謂周旋行步之閒

未嘗不得其

謝安違眾
舉親

北府兵

任是以知之。之鎮廣陵。

人江南揚州府

募驍勇之士得彭城

今江南

劉牢之等數人以牢之為參軍常領精銳

前

為前鋒戰無不捷時號北府兵敵人畏之。劉散騎常

侍王彪之卒。目初謝安欲增脩宮室彪之曰今寇敵

方強豈可大興功役勞擾百姓邪安曰宮室弊陋後

世謂人無能彪之曰凡任天下之重者當保國寧家

續熙政事乃以脩室屋為能邪安不能奪故終彪之

之之世無所營造。

綱臨海

今浙江台州府

太守郗超卒。

書太守

卒不書書卒起何著情忠也

目初超黨於桓氏。

桓

以父情忠於王

箱書授門生

系金

卷三

二

室不令平聲知之及病甚其一箱書授門生曰公年尊我死之後若以哀惋害寢食者可呈此不爾即焚之趙卒惜果成疾門生呈箱皆與桓溫往反密計惜太怒曰小子死已晚矣遂不復哭

趙整酒歌

綱戊寅三年

秦建元十四年

秋九月秦王堅宴羣臣

曰秦王

堅與羣臣飲酒以極醉為限趙整作酒歌曰地列酒

泉郡名天垂酒池

星名

杜康妙識儀狄先知

杜康儀狄皆古之善作酒

者紂喪殷邦桀傾夏國由此言之前危後則堅大悅

命整書之以為酒戒自是宴羣臣禮飲而已

禮記玉藻君子

禮飲

之飲酒也禮已丕爵而油油以退左
傳宣二年臣侍君宴過三爵非禮也

綱已卯四年秦建元十五年春二月秦陷襄陽今湖廣府執刺

吉指死節

史朱序以歸綱夏四月秦陷魏興太守吉挹死之綱

秦韋鍾拔魏興今陝西漢中府興安州吉挹引刀欲自殺左右

奪其刀會秦人至執之挹不言不食而死秦王堅歎

曰周孟威周虢字不屈於前見上丁彥遠順陽太守名穆字彥遠

順陽晉郡故城在河南南陽府內鄉縣潔已於後二月秦將慕容越拔

之穆固辭不受吉祖冲吉挹字閉口而死何晉氏之多忠臣也

綱庚辰五年秦建元十六年秋九月皇后王氏崩冬十一月

葬定皇后

立佛精舍
於內殿

綱 辛巳六年

秦建元十七年

春正月立佛精舍

佛寺也

於內殿

書佛自明帝時入中國未有書立佛舍者書立佛舍
法議尚異教也於內殿益弗所矣是故孝武之立精
舍以於內殿書肅宗之置道場以於三殿書晉明帝
武宗之立望仙臺以於禁中書皆議之議也註見二

卷二六肅宗見五一卷
一七武宗見五八卷九

綱 壬午七年

秦建元十八年

冬十月秦會羣臣于太極殿

秦王堅會羣臣於太極殿議曰今四方略定唯東南

一隅未霑王化計吾士卒可得九十七萬欲自將計

之何如左僕射

夜

權翼曰今晉雖微弱未有大惡謝

權翼諫
歷伐晉

人君臣輯睦未可圖也太子左衛

曰今福德見上在吳晉都江南吳地也伐

長江之險民為去聲之用殆未可

為可知以吾之眾投鞭於江足

足恃乎於是羣臣各言利害久

不寧道旁無時可成吾當內斷

陽平見上公融問之對曰今

晉國無釁一我數朔戰兵

已言晉不可伐者皆忠臣也

1990

[illegible]

慕容氏

字王猛

C

十見
八上

十見
八上

十見
八上

十見
八上

小雅
小雅
小雅

小雅
小雅
小雅

秦大熟

斷自聖心足矣。堅大悅曰：與吾共定天下者，獨卿而已。堅銳胃意欲取江東，寢不能旦。**綱**秦大熟法書此天所以驕秦而滅之也，故特書之。

綱癸未八年秦建元十九年秋八月，秦王堅大舉入寇，詔征

討都督謝石、冠軍將軍謝玄等帥師拒之。○秦王堅

下詔大舉，遣陽平公融督張蚝次、慕容垂等步騎二

十五萬為前鋒，以姚萇長為龍驤將軍，督益梁州。見上

十諸軍。慕容紹言於垂曰：主上驕矜已甚，叔父建中

興之業在此行也。堅遂發長安。秦都今陝西西安府長安縣戎卒

系金... 卷三

六十餘萬騎二十七萬九月融等兵三十萬先至潁

口潁水之口在河南詔以謝石安之弟為征討大都督

謝玄安之姪為前鋒都督與將軍謝琰鹽上聲安之子桓伊

胡彬等督眾八萬拒之時都下震恐玄入問計於謝

安安夷然猶怡然也答曰已別有旨既而寂然遂命駕出

謝安圍棋別墅

遊山墅汝廬也親朋畢集與玄圍碁別墅安基常劣

於玄是日玄懼便為敵手而又不勝安遂遊陟陟登也

山登高也至夜乃還桓沖深以根本為憂遣精騎三千入

援安固却之曰朝廷處分已定兵甲無闕宜留以防

謝安固却

山數陽

云

房西藩

指江州等州

冲歎曰安石

謝安字

有廟堂之量不閑

將略。今大敵垂至。方遊談不暇。遣諸不經事少年担

之衆。又寡弱。天下事已可知。吾其左衽矣。**綱**以琅邪

王道子錄尚書六條事。**綱**冬十一月謝石謝玄等大

破秦兵于肥水。殺其大將苻融。秦王堅走還長安。**法書**

書大舉何秦懷衆也。故下書大破秦兵。書殺其大將。快辭也。前書大熟。繼書大舉。此書大破。然則恃天幸者。可以

目秦陽平公融等攻壽陽。今江南鳳陽府壽州克之。梁

成等屯於洛澗。二水名。俱在河南府洛陽縣。柵淮以遏東兵。

謝石謝玄等憚不敢進。堅引輕騎八千兼道就融。遣

朱序

四年春秦陷襄陽執刺史朱序以歸拜度友尚書

來說

稅

石等不如速

朱序計破秦兵

降序

私謂石等曰若秦衆盡至誠難與爲敵今乘諸

軍未集宜速擊之若敗其前鋒則彼已奪氣可遂破

也十一月玄遣劉牢之帥精兵五千趣

起洛澗成阻

劉牢之擊

淵爲陳陣

以待之牢之直前渡水擊成大破斬之分

兵斷

短

其歸津秦步騎崩潰

會

赴淮死者萬五千人

於是石等水陸繼進堅與融登壽陽城望之見晉兵

部陳嚴整又望見八公山

在鳳陽府壽州西北二十五里淝水之北淮水之南

草木皆兵

漢淮南王安與其賓客八公學仙於此故名

上草木皆以爲晉兵顧謂融

曰此亦勍敵何謂弱也。憊然始有懼色。秦兵追肥水

源出鳳陽府宿州

龍山湖東流入淮

而陳玄使謂融曰。君懸軍深入而

置陳逼水。此乃持久之計。非欲速戰者也。若移陳小

却。使我兵得渡。以決勝負。不亦善乎。秦諸將皆曰。我

衆彼寡。不如過之。使不得上。可以萬全。堅曰。但使半

渡。我以鐵騎蹙而殺之。蔑不勝矣。融亦以爲然。遂塵

兵使却。秦兵遂退。不可復止。玄等引兵渡水擊之。融

馳騎略陳。欲以帥退者。馬倒爲晉兵所殺。秦兵遂潰。

玄等乘勝追擊。至於青圉。

城名在壽州西

秦兵大敗。自相蹈

晉師肥水之捷

風鶴皆兵

藉籍而死者蔽野塞川其走者聞風聲鶴唳皆以爲

晉兵且至晝夜不敢息草行露宿重以飢凍死者什

七八初秦兵小却朱序在陳後呼曰秦兵敗矣衆遂

大奔序因與張天錫見上皆來奔復取壽陽堅中去聲

流矢單騎走至淮北是時惟慕容垂所將三萬人獨

全堅以千餘騎赴之世子垂也寶言於垂曰此時不

可失願不以意氣微恩忘社稷之重垂曰彼以赤心

投我若之何害之天苟棄之何患不亡不若保護其

危以報德徐俟其釁而圖之既不負宿心且可以義

末序陳後一呼

慕容垂不害持堅

取天下慕容德曰此為報仇非負宿心也垂曰吾昔

為太傅

慕容評

所不容置身無所秦王以國士遇我

見上

七後復為王猛所賣秦王獨能明之

見上

此恩何可

忘也若氏

低氏也符

運必窮吾當懷集關東以復先業

耳悉以兵授堅謝安得驛書知秦兵已敗方與客圍

基攝書置牀上丁無喜色圍基如故客問之徐答曰

小兒輩遂已破賊既罷還內過戶限不覺屐齒

極木屐

齒

之折堅收集離散比至洛陽眾十餘萬慕容農

垂謂

垂曰尊不迫人於險其義聲足以感動天地夫取果

謝安圍基如故

過限折屐

慕容農取
果之喻

權翼養鷹
之喻

於未熟與自落不過晚旬日之間。然其難易美惡相
去遠矣。垂善其言。行至澠池。免池。今河南府澠池縣。言於堅曰。
北鄙聞主師不利。輕相煽動。臣請奉詔書以鎮慰之。
堅許之。權翼諫曰。垂勇略過人。世豪東夏。譬如養鷹。
飢則附人。每聞風飊。標。暴風從下而土曰飊。之起。常有凌霄之
志。正宜謹其條。叨。編。絲繩也。籠豈可解縱。任所欲哉。堅曰。
卿言是也。然朕已許之。匹夫猶不食言。況萬乘乎。若
天命有廢興。固非智力所能移也。翼曰。陛下重小信
而輕社稷。臣見其往而不返。關東之亂。自此始矣。堅

不聽。堅至長安。哭陽平公融而後入。綱以謝石為尚

書令進謝玄號前將軍。固讓不受。綱下零翟宅。斌起

兵攻洛陽。秦使慕容垂討之。垂叛秦與斌合。目慕容

垂至安陽。今河南彰德府安陽縣長樂公丕苻丕堅之子館垂於鄴

見上西垂潛與燕故臣謀復燕祚。會丁零北狄種名翟斌

叛秦謀攻洛陽。秦王堅驛書使垂討之。石越言於丕

曰。垂有恢復舊業之心。今復資之以兵。此為虎傅附

翼也。見二十七卷十六丕曰。垂在此。常恐為肘腋之變。今遠之

於外。不猶愈乎。乃以羸兵弊鎧恒甲也給之。又遣苻飛

為虎傅翼

龍帥氏

見騎

一千爲之副密戒飛龍曰垂爲三軍之

帥卿爲謀垂之將行矣勉之垂畱慕容農

垂

及楷紹

俱垂

於鄴行至安陽聞丕與飛龍謀乃夜襲飛龍氏

兵盡殺之以書遺秦王堅言其故而慕容鳳等亦各

帥部曲歸翟斌垂遣人告農等使起兵農等遂將數

十騎微服出鄴奔列人

城名在直隸廣平府肥鄉縣

綱甲申九年

秦建元二十年。燕世祖慕容垂元年。後秦太祖姚萇白雀元年。舊大國

一、新大國二、凡三僭國

春正月慕容垂自稱燕王大破秦兵斬

其將石越慕容鳳勸翟斌奉垂爲盟主斌從之垂

是爲後燕

至洛陽。斌勸垂稱尊號。垂曰：「新興侯見上，吾主也。當

迎歸反耳。」垂以洛陽四面受敵，欲取鄴而據之，乃

引兵東至滎陽。今河南開封府滎陽縣羣下固請上尊號，垂乃

稱燕王，封德垂弟為范陽今直隸順天府涿州王，楷為太原今山西

原府王。翟斌為河南今河南府王。帥眾二十餘萬，長驅向

鄴，而農亦驅列人見上，居民為卒，使趙秋說東夷烏桓

各帥部眾數千赴之，攻破館陶今山東東昌府館陶縣。於是步

騎雲集，眾至數萬。長樂公見上丕使石越討之，農大敗。

秦兵斬越。秦人騷動，盜賊羣起。垂至鄴，改元，農引兵

會垂遂立世子寶為太子。**綱**三月荆江都督豐城

西南昌府

豐城縣

公桓冲卒。**目**冲聞謝玄等有功自以失言

見上慙恨成疾而卒。**綱**燕王垂圍鄴。三月以謝安

為太保。**綱**燕慕容泓起兵華陰慕容冲起兵平陽秦

遣苻叡胃擊泓敗死。夏四月叡司馬姚萇起兵北地

是為後秦

自稱秦王。

明垂長一體之人垂既書叛萇乃書起兵

垂計翟斌而垂反與斌合故書叛以正其罪若萇則

佐叡叡不能用其諫輕敵敗死萇方恐懼遣使謝罪

堅乃怒而殺之是驅之使亂也故書起兵以原其本

無叛意爾然堅驕淫失道自取敗滅故翟斌泓冲輩

皆以起兵書之又以為強大不務德黷武事遠略者之鑒也。**目**泓為秦北地今陝西慶

陽府長史聞燕王垂攻鄴亡奔關東收集鮮卑還屯華

陰

今陝西西安府華陰縣

其衆遂盛自稱雍州

即西

牧秦王堅

謂權翼曰不用卿言

見上

使鮮卑至此關東之地吾

不復爭將若泓何乃使廣平

今直隸廣平府廣平縣

公熙鎮蒲

坂

今山西平陽府蒲州

徵鉅鹿

今直隸順德府鉅鹿縣公叡都督中外諸軍事配兵五萬以竇衝爲長史姚萇爲司馬以討泓

平陽太守慕容冲亦起兵於平陽進攻蒲坂堅使竇

衝討之泓聞秦兵且至懼帥衆將奔關東叡粗猛輕

敵欲馳兵邀之姚萇諫曰鮮卑皆有思歸之志

鮮卑舊都

鄴秦滅燕俱遷於長安見上十一二故起而為亂宜驅令平出關不可

姚萇鼠之喻

遏也夫執蹊笑鼠也鼠之尾猶能反噬於人但可鳴

鼓隨之彼將奔敗不暇矣。馭弗從與戰果敗見殺。萇

遣其長史詣堅謝罪。堅怒殺之。萇懼奔渭北馬牧於

是天水今陝西鞏昌府秦州尹緯尹詳南安即鞏昌府龐演等糾煽

羌豪五萬餘家推萇為盟主。萇自稱秦王。進屯北地。

羌胡降者十餘萬。**綱**秦遣兵擊慕容冲破之。冲奔華

陰泓遂進逼長安。六月崇德太后褚氏康帝后也崩。**綱**

燕諸將殺慕容泓立冲為皇太弟。**綱**燕將軍慕容麟

拔常山今直隸真定府中山今真定府定州慕容冲大破秦兵遂據

阿房城在陝西西安府渭南縣**綱**秋七月葬康獻皇后。八月

燕王垂解鄴圍趨新城故城在山西大同府朔州西**綱**慕容冲進

逼長安。冬十月燕慕容興文殺劉庫仁見上二十。庫仁弟頭脊

代領部衆**綱**十二月秦殺其新興侯慕容暉見上十二**綱**燕王

垂復圍鄴。謝玄遣劉牢之救之。且饋之粟。**書**凡書救

此其書救何議忘。饋也。故符丕請師不。書害救之。且饋之粟。且也者甚辭也。

